

# Marakos wasaniha Sesus soho ziwatahaka

Marakos Sesus humo ispirikpota. Sesus mybarawy eze ziknapykyrykze iwazeka Marakos mykyryburuk zikzuruku iwatahi batu ituk pão. Sesus tazo bo ziksizoze Deus hyrikoso ziapewwyky iwaze hi Sesus ziknakara naha ty Marakos ziwatahaka.

---

**Suão Batista mypehawy kytsa bo nitsasoko.**

**1** <sup>1</sup>Papeu humo Deus wasania ty Sesus Kiristu soho ziwatahaka. Sesus Kiristu Deus tse. <sup>2</sup>Ata hi mybarawy bo inasikta ana kino Deus sohotsa Isaijas botu ziwatahaka. Isaijas hawa niy, tubabatu ziwatahaka tahi:

— Tapara katsumuētsa aharaze pipeha.

Hawa ktsa myske piskezozeke atahi aske piwatawy. Piskezozeke.

<sup>3</sup> Atahi jerukbara eze hua mykara

“Pykyhytuty Deus zipehata ske buruk tsimaha.

Tsipiskezozekeknaha.

Iske buruhuwa tu taha.

Iwa iske takymy” iwaze Deus zipehata mozumuze mokuru — niy. Iwa Deus sohokotsa niy. Hawa kytsa mokymynaha Deus zipehata harere bo yhŷ mykaranaha ana hi motsasoko.

<sup>4</sup>Anaharere wa Suão Batista jerukbara bo izumu. Anaeze Deus harere nitsasoko kytsa nisiharasusuku. Atahi:

— O kytsa ahamysapybyi tsimoewynahaktsa tynamyharasusukta! Tsipiharasusunaha zeka iwatawy kytsa bo meky watu tsimoziknaha, ahamysapybyitsa tsikykaranaha tsimoewy tsihikiknaha — niy. Iwaze Deus ahamysapybyitsa tsikykaranaha humo pahaokzohik.

<sup>5</sup>Sizubarëtsa Suão Batista bo zumukunaha. Serusarëhe ezektsa Sudeja ezektsa iwatsa ibo ziknakaranaha. Suão sizubarëtsa ziknasiharasusuku. Nisiharasusukuze asa kino:

— Tapara mysapybyitsa tsikykaranaha. Abaka batu meky watu tsimoziknaha mysapybyi tsikykaranaha anahi tamoewy tsihikik — nikaranaha.

<sup>6</sup>Suão kamero hwyk zikziwaskik niy. Irirkpidiwu kino kamero hwyk. Masetsa ziknasiboroko. Pete zikzerukuk ziknakara. <sup>7</sup>Myzubaha bo ziknatsasokoze:

— Usta mozumuze. Atahi tsimysapyrēta, iwatahi myhyrizikwani. Utakta batu. Iwatahi kasikpybyrēta. Ipyrysuktsa mysibobokzeka kasikpybyrēta mozik.

<sup>8</sup>Utakta pihik ty zuba kytsa mysihararusuku. Atakta Deus hyrikoso pipehaka. Mynasikze ahatuk mynapykyryk iwatsahi ihumo meky watu ahamysapyrētsa tsimoziknaha — niy.

### **Sesus harasuwy.**

<sup>9</sup>Iwaze Jesus Suão bo izumu. Nasare iknykta. Nasare Karireja eze tu. Suão bo zumuze, taharasusu tsihikik iwatahi ibo zumu. Suão buburu Sorodão inarokota eze kytsa nisihararusuku. Anaeze hi Jesus kino ziherasu. <sup>10</sup>Pihik ikny inazoze atsoko bijoikpe sakpare iktsa niy. Deus hyrikoso ibo inasik, amytudu hyrity wata ibo inasik. <sup>11</sup>Iwaze bijoikpe ikny iaksoho ziwaby Deus hi:

— Ikia hi katse babata. Ikia humo ka kamypokzitsiarēta. Ikia humo kakurēta — niy. Iwa Deus Jesus pe niy.

### **Sesus jerukbara bo niy. Anaeze Satanás zimyiwy tsihikik.**

<sup>12</sup>Iwaze Deus hyrikoso hi Jesus jerukbara bo ziocktyhyryk. <sup>13</sup>Anaeze estuba byzoje zirahaze. Kuarēta zuruze anaeze ziknapykyryk. Anaeze sasabyitsa niah. Satanás hyrikoso sapybara pehatsa Jesus Deus harere bo ka yh̄byitykta nizihikik. Batu zik. Jesus ipe batu yh̄ niy. Iwaze bijoikpe iknyktsitsa Deus tsumuēhītsitsa Jesus ziperykynaha. Iwa de

### **Sesus Karireja eze Deus wasania ty ziakbata motsasoko.**

<sup>14</sup>Kytsa Suão Batista tsipa humo sakyriukrēnikitsa hurukwy bo ziocktyhyryknaha. Iwaze Jesus Karireja bo ziksizo Deus harere wasania ty nitsasoko. <sup>15</sup>Atahi:

— Nawa zuruze kytsa Deus tyryktsa moziknahaze mozumu. Abaka kytsa Deus tyryktsa moziknahaze. Iwatsahi ahamysapbyri tsimoewynahaktsa! Deus harere bo zuba hȳ tahaktsa — niy.

<sup>16</sup>Kyze Jesus pihikzotsabyri sak taba Karireja inarokota eze niy. Ana buruk ziknaukuruze petoktsahatsa, ziktsikpaparakanaahatsa bo nikozo. Peduru inarokota itsy tihi Ādere iwahatsa tōhōryk pihik bo zioktsotsokoknaha. <sup>17</sup>Sesus ispe niy:

— Uta kapikta! Tapara tsitsikpaparakanaahaze piknutsa ziknasizokonaha. Abaka, uta katuk, mekywatsatu tsimysitsumuēhīnah. Kytsa bo Deus soho tsimytsasonaha. Ahaharere humo kytsa Deus harere bo hȳ mykaranaha — niy.



(Marakos 1.17)

**18** Iwaze atsoko tahatōhōryk zerekbaiknaha. Iapik niukurunaha.

**19** Sesus puētsik pāozo niyze mektsa bo tu nikozozo. Tsiaku Suāo ahatsa tahazo Sebedeu tuk. Suāo, Tsiaku tsy niy. Tsaraha ezektsa tu, tahatōhōryk pykyhytu zizozikiknaha. **20** Atsoko Sesus nisihuahua:

— Uta kapcta — niy.

Hyŷ niaha. Iwaze tahazo ty ka tsaraha eze, tatsumuēhītsitsa baze zerekeknaha. Sesus tuk niukurunaha.

**Ihyrikoso sapybyita maku tuk ziknakara iwatahi Sesus ziksiwyhik.**

**21** Kyze Kaparanaū eze, Sesus Deus wahoro bo nitsuk, Sudeutsa zinymyrykynahatsa wahoro bo nitsuk. Sabado, nawa zuruze Sudeutsa byrykywy Sesus siwahoro anaeze inakypyknahaze nisihyrinymyryky.

**22** Kytса ziwabykynahaze:

— Atakta tsimysapyrēta hawa mymyhydrinymyryky naha wasani mykara. Ta hi myhyrinymyrykytsa. Moises harere zinymyrykynahatsa batu sihyrinymyryziu — niaha. Sipybyrētsa paikpa iktsa nikaranaha.

**23** Iwaze maku anaeze nitsuk. Ihyrikoso sapybara ibo pororo ziknakara.

**24** Sesus bo iktsa niyze ipokso kakaik niy:

— Amy skaraba mybo tsimyzumuku, Sesus Nasare ezekta. Mype nabo pāoty tsimy. Ikia mynyhy Deus zapehata tsimysapyrēta. Ikia mopyk sa — niy. **25** Sesus:

— Aksobyitykta! Nabo pāotykta! — niy.

**26** Ihyrikoso sapybara humo maku hi nitydydykyk tu kakaik niy, niwakik. Batu ity nyzo. **27** Kytса sizubarētsa ibaze tutsa nipybybaiknaha.

— O amy skaraba ihyrinymyrywy ezytyk ja Sesus hyrikoso sapybara pe: “Nabo pāotaha” myze, hyŷ sisopyk — niah. Iwatsahi kytsa nipybybaiknaha.

<sup>28</sup>Iwatahi sizubarētsa nanabyitaba Karireja eze Sesus niyahaty ziwabykynaha.

### Sesus Simaō wapyry zizororowy.

<sup>29</sup>Iwaze Sesus wahoro eze ziponaha iwaze Tsiaku, Suāo, ahatsa tuk Simaō Ādere siwahoro bo nipupunaha. <sup>30</sup>Simaō wapyry ihumuēzumu.

— O Simaō wapyry ihumuēzumu — niah.

<sup>31</sup>Sesus iwanu sapy bo zumuze, itsyhyrype humo paik niy. Itsyhyrype humo tyzikto niyze nizororo. Iwaze ihumuēzukbyitatsa tu nisidisahawyky.

### Sesus simyitsapyritsa nisizororowy.

<sup>32</sup>Kyne zunubazoze Sudeu byrywy nepyk iwaze Kaparanaū ezechta simyitsapyritsa Sesus bo nasioktyhyryknaha. Kytsa sipiakmyitsa hyrikosotsa simysapybaratsa humo sibo pororo ziknakaranahatsa. Asa kino Sesus bo nasioktyhyryknaha. <sup>33</sup>Kytsa ape baze sizubarētsa wahoro peze niriktotohokonaha. <sup>34</sup>Iwaze Sesus meky mekywatu simyitsapyritsa ty nisizororowyky. Sihyrikosotsa sapybaratsa hi nisiksiwyhik. Ispe:

— Nabo pāotaha — myze iharere bo hyŷ sisopyk niah. Hyrikoso sapybara Sesus humo sihyrinymyrētsa atahi Deus zipehata zinymyrykynaha iwatahi Sesus ispe niy:

— Soso byitaha — niy. Iwatsahi batu harere.

### Sesus Karireja eze.

<sup>35</sup>Kyne zokorobyitu Sesus inapopoze jerukbara bo niparak. Anaeze Deus bo nipamykysoko. <sup>36</sup>Iwaze Simaō tuktsa ziberikinaha.

<sup>37</sup>Zihobynahaze ipe niah:

— Kytsa sizubarētsa paberikinaha — niah.

<sup>38</sup>Sesus ispe niy:

— Ustsa hudikhudikwy boktsa kytsa! Sihudikhudikwy bytykareze tu. Anabo Deus wasania ty motsaso ana humo hi ikzumu — niy.

<sup>39</sup>Iwaze Karireja buruk niukurunaha. Sesus Sudeutsa wahoro bo nitsuk. Anaeze wasania ty nitsasoko. Sihyrikosotsa sapybaratsa nisiksiwyhik iwa zikzuruku.

### Maku inakōrōrōbaikta humo zizororowy.

<sup>40</sup>Maku inakōrōrōbaikta humo asiba nibibibata zizororowy. Maku nakōrōrōbaikta Sesus bo izumu. Atahi Sesus okeryk taekaratsa humo puruk puruk niy. Sesus humo tispirikporēta nikara iwatahi puruk puruk niy. Ipe niy:

— Ikia tsipitsihikik zeka tsipikzororowy — niy.

**41-42** Iwaze Sesus ihumo tsimypokzitsiarēta tatsyhyrype ty humo paik niyi. Ipe:

— Yhŷ ana hi mozihikik pazororowy. Aba pazororowy hŷ — niy.

Atsoko iakörörötsa nihokdanaha. Zizororowyhik. **43-44** Sesus zipehaka:

— Sosobyty. Batu aty tohi bo ziktsaso. Aba ikia Deus wahoro bokta! Ziknapamykysokota bo tsikawatawykta. Niytahi amytudutsa ty ikia petoktsa ty Deus bo nyny tsimy.

Iwa taparakta Moises tubabatu ziwatahaka papeu humo atsatu tsimy. Tsimye kytса sizubarętsa tsikzororo baba sihyriny myrętsa. Ikia azororowy soho batu tyso — niy.

**45** Nizororo tahi niparak. Iwata tu Sesus ipe:

— Sosobyty — atahi Sesus soho ty nipamykysoko. Nanabyitaba kytса sizubarętsa bo tazöröröwy soho nitsasoko. Iwatahi Sesus sihudikhudikwy bo batu zukzo. Jerukbara eze kytса pokso nitare. Iwatsa tu kytса sizubarętsa ibo niukurunaha.

### Sesus ityryk niakbata zizororowy.

**2** <sup>1</sup>Kyze byi puëtsik Sesus Kaparanaū bo ziksizo. — O Sesus ziksizo — nikaranaha. <sup>2</sup>Iwaze myzubaha ibo nikozorenaha. Wahoro inahareknaha batu iwewehe. Ape baze hokbowy baze, sizubarętsa niriktotohokonaha. Deus soho ty sibo nipamykysoko. <sup>3</sup>Iwaze ustsa kytса izumukunaha. Sapetoktsa sapetoktsa ahatsa izumunaha. Ityryk niakbata hi ibo izebykyryknaha. Batu hawa tohi zikaha. <sup>4</sup>Kytsa sizubarętsa izihyrizabaiknaha. Iwatsahi batu Sesus bo zuk niahä. Iwatsahi wahoro harapu nidokoknaha. Zipeksykiknaha. Zipeksykiknahaze ityryk niakbata hi iwanu bete inaripiknaha. Sesus bo imyitsapyrita inaripiknaha. <sup>5</sup>Iwaze Sesus iharereziuytsa pe niy:

— O kytса, “Sesus myhumo tsimypokzitsiukręta” tsimaha. Iwatahi ikiahatsa humo kakuręta — niy. Iwaze ityryk niakbata pe:

— O katukytsa wata “Kamysapybyita” tsimykara. “Deus harere bo batu yhŷ mykara” tsimy. Iwahatu paokzohik. Asopyksapybyita tu tsimykara paokzohik — niy.


<sup>6</sup>Moises harere zinymyrykynahatsitsa, ibaze tu tsahi iharere humo tahakyrikinaha.

<sup>7</sup>— Amo skaraba nitsasoko. Atahi isopyksapybyita mykara Deus zuba: paokzohik mykara — mytsaty nikaranaha.

<sup>8</sup>Kytsa iwa mytsaty nikaranaha, Sesus tsihyriny myręta iwaze ispe niy:

<sup>9</sup>— O hawa tuza kytса “Iwahatu, paokzohik” my zeka tsihokdaharęna. “Kyiktyka” my zeka, ana kino tsihokdaharęna. <sup>10</sup>Iwatu utakta wyzik niwathihy my — niy. <sup>11</sup>Ityryk niakbata pe tihi:

O papeha. — Kyiktyka! Awanu ty pohyrykty! Tsiksikta!



(Marakos 2.4)

<sup>12</sup> Iwaze atsoko itarikto. Tawanu ty kokpuhyryk niy. Kytsa nikozokonahatsa nipybybaiknaha:

— O Deus ahumo mykurētsa. Iwa batu ityny — asa zuba nipamykysonaha.

### Rewi Sesus hapik niukuru.

<sup>13</sup> Iwaze Sesus nipayarakzo Karireja buruk pihikzotsabyri sak bo zukzo niy. Kytsa sizubarētsa zikziberikinaha. Zihobyknaha siwatu ziknasihyrinymyryky. <sup>14</sup> Niukuruze Rewi bo iktsa niy. Rewi Arapeu tse. Atahi siokyrysaro bykyktsitsa sipehakatsa tsyhryze nikara. Atakta siokyrysarobykwy sapy eze ziknadyhyky, Sesus ipe niy:

— Panyakta! Katuk! — niy.

Yh̄ niy. Niytahi atsoko kyikyk Sesus tuk niukuru. Tanamy zerekbaik.

<sup>15</sup> Kyze Sesus Rewi wahoro eze tadiyahaka. Kytsa siokyrysarobyktsitsa sipehakatsa tsyhryze tahadisahakanaha. Sesus tuk zinymyrykynahatsa, kytsa simysapybyitsa iwa ahatsa tahadisahakanaha. Tumy zikukunaha. <sup>16</sup> Pariseutsa asaktsa Moises harere humo sihyrinymyretsa ana bo iktsa niahaze tahakyrikinaha. Siokyrysarobyktsitsa, kytsa simysapybyitsa tuk iwa tahadisahakanaha ana bo hi iktsa niahaze tahakyrikinaha. Sesus tuk zinymyrykynahatsa nisibetsakaknaha:

— Amo skaraba mykara. Atakta siokyrysarobykyksa tuk tadiyahaka. Simysapybyitsa tuk tumy mozikuku — niah.

<sup>17</sup> Sesus siharere ziwbabyze ispe niy:

— Sakurētsaktsa batu myzororowytsa bo ba zikumunaha.

Simyitsapyrirtsza zuba mozororowytsa bo pomonaha. Simysapybyitsa

simyitsapyrtsa watsa niy. Iwaze ikzumu, iwatahi simysapyrētsa bo batu zuk iky. Uta simysapybyitsa bo ikzumu — Sesus niy.

### **Sesus hauk ahabyita soho humo nisihyrinymyryky.**

<sup>18</sup> Kyze estuba okoroze Suão Batista tuk zinymyrykynahatsa haukabyitsa ziknakaranaha. Pariseutsa atsabarētsa kino niwatihi haukabyitsa ziknakaranaha. Deus bo mopamykysokonaha. Iwatsahi kystsia Sesus bo zumukunaha. Ipe niahā:

— Suão Batista zinymyrykynahatsa tuk haukabyitsa ziknakaranaha. Pariseutsa kino niwatihi haukabyitsa ziknakaranaha. Ikia tuk zinymyrykynahatsa batu. Asaktsa tahadisahakanaha. Amy humo sa tahadisahakanaha — nikaranaha.

<sup>19</sup> Sesus ispe niy:

— Zinymyrykynahatsa katuk hauk tsimykaranaha. Maku tasukzaze tatukytsa tuk tamyikaha maha tumy mytakuku. Hamyikaha maha.

<sup>20</sup> Isukzata moparakze asaktsa haukabyitsa mykaranaha. Iwaze utakta kazo bo myziksoze zinymyrykynahatsa kino niwatihi haukabyitsa mykaranaha. Iwaze Deus bo mopamykysonaha — niy.

<sup>21</sup> Iwaze panu soho nitsasoko. Tahi:

— Ba aty tohi panu ezytyk ty zizzyzykyha isuk ibyk myzutsuku iwa myzeka isuk mysykbaik. Panu ibykta tu ezytyk humo mymyibaik — Sesus niy.

<sup>22</sup> — Batu aty tohi duabohotsa tsik ezytyk ty ba siraratsa hwyk ibykta bo ba zisusu. Iwa myzeka duabohotsa tsik ezytyk mynapytoze ibykta tsasuk mytok. Mopokobaik. Duabohotsa tsik tsasuk ibykta bo susu tsimyzeka pimyibaik. Duabohotsa tsik ezytyk tsasuk ezytyk eze tu tsipisusu hŷ — Sesus niy.

Iwa Sesus nitsasoko taharere panu ezytyk wata, duabohotsa tsik ezytyk waha nikara.

### **Sesus Sudeutsa mybyrywy humo nisihyrinymyryky.**

<sup>23</sup> Kyze mybyrywy eze Sesus tuk zinymyrykynahatsa tuk waratok buruk niukurunaha. Niukurunahaze zinymyrykynahatsa tirikotsa nisibykyknaha sihipyrytsa ty tsiky tskiyk iwaze taharapaspik tu nisiborokonaha. <sup>24</sup> Iwaze Pariseutsa Sesus pe niahā:

— Iksa tykt! Ikia tuk zinymyrykynahatsa tarabaja mykaranaha. Amo skaraba nawa mykaranaha. Okoroze mybyrywy eze katsaktsa batu tarabaja mysopyk. Ana kino tubabatu Moises harere papeu humo mybyrywy soho humo nimyhyrinymyryky — niahā.

<sup>25-26</sup> Kyze Sesus Pariseutsa pe niy:

— Hawa taparakta Dawi niy batu sa ahahyrinymyry Papeu humo Dawi soho ziwataha. Taparakta Dawi itukytsa siaraparētsa tuze Deus wahoro

bo nipupunahaze. (Taparakta Abiata inarokota Deus wahoro zubata taeze ziknapamykysokonahatsa tuk taparakta.) Dawi nitsukze atsikara ty ziknapamykysokonahatsa Deus bo ky zituha ziknapamykysokonahatsa Deus bo nyny niaha anatyhi wabehyryk niy. Zioko itukytsa niwatihi ziokoknaha. Moises harere tihi:

“Ana humo ka atsikara kytса ba zioknaha. Ziknapamykysokonahatsitsa zuba zikzioknaha” niy. Iwahatu Dawi ziokok. Itukytsa kino ziokoknaha. Ana papeu humo batu ahahyrinymyry ja niy.

27-28 Deus kytса nisisukni. Batu mybyrywy humo nisisukni. Kytса tahabyrykynaha ana humo hi tabyrywy nizukni. Utakta Deus zikpehata ahawata ikyzik. Anahumo hi uta kino mybyrykywy zihitsa ikyzik nawazuruze tabyryky eze zipehaka my hÿ — niy.

### Sesus maku itsyhyrype noikta zizororowy.

**3** <sup>1</sup>Sesus itsyhyrype noikta zizozorowy. Kyze usta nawa zuruze tabyrykywyze Jesus Sudeutsa wahoro bozo niy. Anaeze estuba maku itsyhyrype noikta niy. <sup>2</sup>Pariseutsa Jesus bo nikozotoktokonaha. Jesus nizokparakanaha iwatsahi iktsaziu nikaranaha:

— O mybyrykywyze ja hawa pizororowy — mytsaty nikaranaha. Jesus soho iharerewabymybarakanaha. Jesus Moises harere bo batu yhÿ nizihikiknaha iwatsahi pykyhytu ibo iktsaziu nikaranaha. <sup>3</sup>Sesus sisoho humo tsihyrinymyr ta. Hawa abaktsa mytsaty nikaranaha ana humo kino zinymyryky. Iwaze itsyhyrype noikta pe — Kyiktykt! Pany! Mytazahara eze riktoty — niy. Yh  niy.

<sup>4</sup>Iwaze Pariseutsa pe niy:

— Hawa skaraba mybyrykywy eze ahasopyk. Mybyrykywy eze kytса bo tsipisapybaka zeka iwaze Moises harere bo ka ja yh  tsimaha. Kytса bo tsipimiwy zeka ja wasani tsimaha. Kytса bo tsimytsumu   zeka ja wasani tsimaha. Maku tsipibeze zeka ja wasani tsimaha. Hawa sa mybyrywy eze ahasopyk — niy.

Kytса siharerebyitsa wa niunaha. <sup>5</sup>Iwaze Jesus sihumо takyriki. Sioktsiokr tsa hi sihumо tisukatsihikr ta. Itsyhyrype noikta humo batu simypokzitsiu ana humo takyriki. Iwaze itsyhyrype noikta pe:

— Atsyhyrype ty kabo nynyty — niy. Maku tatsyhyrype ty nyny niy. Atsoko nizororohik.

<sup>6</sup>Iwatsahi Pariseutsa tahakyrikinaha, niunaha. Erodes tuktsa izumubanaha. Niharapepehakanaha:

— Hawa skaraba Jesus tabezehik — nikaranaha.

### Sesus ustsa kytса sizubar tsa nisizororowy.

<sup>7</sup>Sesus tuk zinymyrykynahatsa tuk pihikzotsabyri Karireja inarokota itsikzanaha. Kyze kytса sizubar tsa Jesus bo niaha. Karireja ezektsa,

Sudeja ezektsa. <sup>8</sup> Serusarēhe ezektsa. Idumaja ezektsa, Sorodão buburu koiknyktsa, kytса asahi Sidō bytykareze tutsa, Tiro bytykareze tutsa iwa myzubaha ezektsa Sesus bo zumukunaha. Tapara hawa Sesus nikara botu ziwabykynahata. Iwatsahi ibo zumukunaha. <sup>9</sup> Iwaze Sesus tuk zinymyrykynahata pe niy:

— Kytса pokso tsaraha bo tsatahaktsa! Iwa zeka mynamyhirizabanaha — niy.

<sup>10</sup> Tapara Sesus sizubarētsa nisizorohikwy iwatsahi simyiziubyitsa Sesus bo nikaranahata paikpa niharape petutukunaha. <sup>11</sup> Kytса asahi hyrikosotsa sapybaratsa sibo ziknakaranaha tsa hi Sesus bo iksa niahaze iokeryk tahaekaratса humo puruk puruk niaha. Kazi nikaranaha:

— Ikia hi Deus tse babata — nikaranaha.

<sup>12</sup> — Soso byitaha! Ana tyhi batu aty tohi bo tsimytsasonaha — Sesus niy. Iwa nisibetsakik.

### **Sesus tuk zinymyrykynahata nisiwatawyky.**

<sup>13</sup> Kyze Sesus hara bo nidoze kytса nisiwatawyky. Mysiwatawynahata ibo izumukunaha. <sup>14-19</sup> Tatuk zinymyrykynahata nisiwatawy. Ituk zinymyrykynahata.

Simaõ pe: — Ikiakta Peduru — niy. Tsiaķu Suão Sebedeu hyrytsa ahatsaktsa. Asaktsa nisitsatsikik — Bijo bipyri hyrytsa — maha. Iwaze Ādere, Piripi, Baratoromeu, Mateus, Tome. Usta Tsiaķu Arapeu tse, Tadeu, Simaõ tatyryktsa humo niwatsoroko. Iwaze Sudas usta Iskariotses inarokota atahi Sesus isukyrytsitsa bo ziockhyrykta iwatsa Sesus nisiwatawy.

Nisipeha:

— Nohi bo tsimynakozorenahaktsa! Myzubaha bo Deus wasania ty tytsasonahaktsa! Tysizororowynaha! Hyrikosotsa sapybaratsa tysiksiwyhik! — niy. Hyŷ niaha. Sesus nipamykyso, iwa niaha.

### **Sesus Beresebhу soho humo nisihyrinymyryky.**

<sup>20</sup> Iwaze Sesus wahoro bo zumuzo niy. Iwaze kytса sizubarētsa ibo zumukunaha. Sipokso batu hauk, zinymyrykynahata niwatihi batu hauk.

<sup>21</sup> Itukytsa isoho ziwabynahaze ibo zumunaha:

— O ikia wahoro bo tsipaoktyhyryknaha — niaha. Atakta ityrykmyita wata mytsaty ahabyitsa nikaranaha. <sup>22</sup> Iwaze Sudeu sopykwы iwatahatsitsa ibo zumunaha. Serusarēhe ezektsa nitururuknaha. Sizubarētsa Sesus ziharerewabykynaha. Asaktsa:

— Beresebhу Sesus tuk mynapykyryk. Iwatahia hyrikosotsa sapybaratsa humo mysipeha, Satanás humo nisiksiwyhik — mybarapetu nikaranaha. Satanás usta inarokota Beresebhу atakta hyrikosotsa sapybaratsa pehakatsa.

<sup>23</sup>Iwaze Sesus tabo nasipeha. Sudeu sopykwy iwatahatsitsa tabo nisihuahuaka. Isoho humo nisihyrinymyryky.

— Hawa sa Satanas atatu taiksiwyhik — niy.

<sup>24</sup>— Ityryktsa myharape ziubyinahaze mopyknaha. Kytsa metutu mymyinaha zeka iwaze mysibabaiknaha. <sup>25</sup>Nawatihi estuba zubahatsa myharape ziubyinahaze zeka asa zuba mokmyinaha. <sup>26</sup>Iwahatu Satanas tatuksa tu myharape ziubyi zeka myokbabaik. Sisohometutu humo mopyk — niy.

<sup>27</sup>— Batu aty tohi ipaikta wahoro bo ba ziktsuk iwaze ba inamy ziakse. Ba ziky. Tapara amata ipaikta piakwaraze, iwahoro bo mytsuk inamy piakse.

<sup>28-29</sup>Kaharere tsiwabytoktonaha. Kytsa simysapybyitsa nikaranaha Deus mysiokzohik. Siharere batu imysapy ana hi Deus piokzohik. Sisopyksapybyitsa mysiokzohik. Kytsa Deus hyrikoso soho pisapybyrikinahaze ana humo hi ba ziokzohik. Deus ana humo hi ba zikspiriksokda. Ana isopyksapybyitsa ty tawahi kytsa tuk mynapykyryk — Sesus niy.

<sup>30</sup>Iwa ispe niy. Nezeba kytsa ipe niah:

— Ihyrikoso sapybara ty ikia tuk mynapykyryk — niah. Iwatahi ana humo kino nitsasoko.

### Sesus je itukytsa niwatihi ibo izumunaha.

<sup>31</sup>Kyze Sesus je itukytsa ahatsa ibo zumu tsihikiknaha. Kytsa humo batu ibo zukzuk. Ape baze niriktotohokonaha. Iwatsahi zipehakanaha.

<sup>32</sup>Kytsa sizubarëtsa Sesus okeryk nidhyhydyhykynaha. Ipe niah:

— Aje atukytsa ahatsa ape baze moriktotohokonaha. Atuk mopamkyso tsihikiknaha — niah.

<sup>33</sup>Sesus ispe niy:

— Atatsa hi kaje. Asaktsa hi katukytsa — niy.

<sup>34</sup>Iwaze kytsa asaktsa harape baze nidhyhydyhykynahatsa sibo iktsaziu niy. <sup>35</sup>Ata hi:

— Asaktsa Deus harere bo hyŷ mykaranaha hawa Deus mozihikik sisopyk asa hi katukytsa babatsa. Asiza hi kaje babaza katukytsa babatsa niwatihi — Sesus niy.

### Sesus nisiparikikta soho nisihyrinymyry.

**4** <sup>1</sup>Iwaze zinymyrykynahatsa ibo ziksizonahaze Sesus pihik sak eze nisihyrinymyrykyzo. Myzubaha pihikzotsabyri eze niriktotohokonaha. Iwatahi myzubaha pokso tsaraha bo takorohyk. Tsaraha sak bete nidhyhyky. Kytsa pihik sak eze iharere ziwabykynaha

<sup>2</sup>Nisihyrinymyryky. Waratok soho humo nitsasoko nawa humo nisiwatawyky. Hawa kytsa mekywatsa tu Deus harere bo maha, wastuhu

iharere bo hȳ maha, ustsia iharere bo batu yh̄ maha ana humo hi nisihyrynymyryky. <sup>3</sup>Ata hi:

— Tsiwabytoktonahaktsa! Kyze maku waratok bo niy. Ata sirktsa nisiparikik. <sup>4</sup>Nisiparikikze wastuhu riktsa ske sak bo inatsukunaha. Iwaze piytsa nisihorozukbaiknaha.

<sup>5</sup>Kyze ustsia riktsa nisiparikikze harahare buruk inatsukurunaha. Iwatsahi atsoko zipokonahaze wytyk tsikaeni zuba humo niakbabaiknaha, batu iptyk sapy. <sup>6</sup>Batu siharapyryky iwatsahi niakbabaiknaha. Nitsehebaiknaha. Haramwe humo niakbabaiknaha.

<sup>7</sup>Kyze ustsia riktsa nisiparikikze inikoso bo inatsukurunaha. Tahapykyknahaze nisiupyksiknaha. Inisahatsa humo, batu tahatypyk. Niakbabaiknaha.

<sup>8</sup>Ustsaktsa mahani. Ustsia riktsa nisiparikikze jytykziuha bo inatsukurunahaze sisapyr̄etsa. Tsiytyksapyr̄ena bo natsukunaha. Niahatsahi taypykyknahaze tahasuknaha nipopokonaha. Wastuhu



(Marakos 4.3)

nisiubaranaha tirīta riktsa. Ustsa nisiubaranaha sesēta riktsa. Ustsa nisiubaranaha sē riktsa sizubarētsa h̄y — niy.

<sup>9</sup>Iwaha soho humo nisihyrinymyryky:

— Kaharere tsiwabynaha zeka wabyziutahaktsa kytsa! — niy.

### Hawa Sesus nisispirkpoko.

<sup>10</sup>Kyze kytsa sizubarētsa nipayraknahaze zinymyrykynahatsa wastuhu wabynahatsa ahatsa ibo zumunaha ipe niah:

— Hawa ha ty aharere ty riktsa soho tsimymywatawy — niah.

<sup>11</sup>Sesus ispe niy:

— Deus kaharere ty pahahyrinymyry tsihikik Deus tyryktsa soho pahawatawy tsihikik. Ustsa batu wabyziu. Ikiahatsa kahyrinymyrywy ezytyk bo yh̄y tsimaha iwatsahi Deus tyryktsa tsimoziknaha. Ustsa batu, iwatahi isoho humo nisihyrinymyryky. <sup>12</sup>Isoho humo piwabynahaze hawa ha ty piwatawy batu mytsaty h̄y. Isoho humo mytsatykynaha zeka sisopyksapybyitsa ty mykaranaha pimoewy tsihikiknaha.

Sisopyksapybyi humo sisukatsihikrētsa tu zeka Deus mysiokzohik h̄y ana hi batu sihumo itsihik — niy.

### Riktsa pariktsa soho humo nisispirkpoko.

<sup>13</sup>— Kasoho humo ahahyrinymyry byizeka. Iwaze hawa usa soho humo sa mytsaty tsimykaranaha — niy.

<sup>14</sup>— Kaharere pahawatawyky. Asaktsa kahyrinymyrywy ezytyk bo yh̄y maha zeka Deus tyryktsa moziknaha. Atakta nisiparikiktsa Deus harere mynatsasokonahaktsa watsa. Riktsa Deus harere hyrity watsa niy.

<sup>15</sup>Wastuhu Deus harere ziwabynahatsa riktsa watsa ske sak bo inatsukurunaha. Deus wasania ty piwabynahaze Satanas sibo mozumuze, Deus harere piakse. Kytsa sispirikpobyitsa tu Satanas Deus harere ziakse piyksa hyrity watsa iwaze wasani humo batu sispirikpo.

<sup>16</sup>Ustsa Deus harere piwabykynaha. Asaktsa riktsa watsa harahare buruk inatsukunaha wytyk tsikaeni zuba batu siharapyryky. Tapara wasaniha ziwabykynaha sakurētsa niyziknaha. Riktsa jakspe bete tu niapykyryknaha batu jytyksapy eze inatsukurunaha watsa. Asahi tsikaeni zuba pinymyrykynaha. <sup>17</sup>Ziwabyziubyinahatsa tu Deus bo tsihokdaharēna zeka Deus harere bo batu yh̄y my nikaranaha, iharere humo ispiriktsokdanaha. Ustsa kytsa Deus harere humo nisimyijakanaha Deus wasaniha zimoewynaha. Deus humo batu sispirikpo.

<sup>18-19</sup>Ustsa Deus harere piwabykynaha. Asahi riktsa watsa inikoso bo inatsukurunaha iwatsahi niupyksibaiknaha. Deus harere piwabynahaze tahanamy bo zuba mytsaty mytsaty nikaranaha. Tahanamy tsihikiknaha zuba. Sinamy inisahara watsa iwatsahi siriktsa batu taypykwatsa, wihsa batu nijakuk Deus harere humo sakubyri zumunahaze ihumo batu sispirikpo.

<sup>20</sup> Ustsa Deus harere piwabykynaha hawaha mykaranaha riktsa watsa wytyk tisapyrēna bo inatsukurunahatsa, ustsa kytsa Deus harere siwabynahatsa watsa piwabyziukunaha. Piwabykynaha iharere bo yh̄ mykaranaha ihumo sispirikporētsa moziknaha. Deus harere bo hȳ nikaranaha. Iwatsahi wiha nijakuk naha wa. Wastuhu nisiubaranaha tirīta riktsa. Ustsa nisiubaranaha sesētsa riktsa. Ustsa nisiubaranaha sē riktsa. Sizubarētsa h̄ — niy.

Deus tuktsa niwatihi iharere bo hȳ mykaranaha simysapyrētsa moziknaha wiha waha simysapyrētsa. Iwaze hawa kytsa Jesus hyrinymyrywy ezytyk hawa ja maha iwatahi nisihyrinymyryky.

### Rika soho humo nisihyrinymyryky.

<sup>21</sup> Kyze Jesus tuktsa zinymyrykynahatsa bo nipamykysokozo. Rika soho nitsasoko. Ata hi:

— Batu aty tohi pitsi rika ziknapok. Iwaze peryk pukezi zik niy. Batu aty tohi rika wanu pukezi zik niy. Pitsi rika jobaze zik my. Isapy eze tu my. Iwatsahi kytsa inapupunahaze amypubyri. <sup>22</sup> Aba hawa ha jokpitsīha bykyze kino piwatawy. Aba amy humo batu myhyriny myry bykyze kino tanymyryky. <sup>23</sup> Kaharere tsiwaby tsihikiknaha zeka wabyziutaha! — niy.

<sup>24</sup> — O wabyziutahaktsa kytsa! Hawa ustsa kytsa ahasopyk ana kino Deus ahabo isopyk. Ikiahatsa ustsa kytsa mysisapwyky zeka Deus pahasapwyky. Ikiahatsa ustsa bo tsimysisapbyrikinaha zeka ahasopyk, iwaze Deus kino niwatihi ahabo atsatu isopyk Deus ahahumo iakyri mozik.

<sup>25</sup> Atakta pinymyry tsihikik pihydrinymyrytohi. Atakta kaharere bo batu wabytokto tsikaeni zuba pinymyry myspiriktsokdaka, Deus mymymspiriktsokda.

### Siriktsa soho humo nisihyrinymyryky.

<sup>26</sup> Jesus nipamykysokozo:

— Deus tyryktsa abazubatsa mozikze maku wata. Atakta tatsuhuk bo siriktsa nisiparikik.

<sup>27</sup> Unata zurubakaze siriktsa mozipobanaha. Pibyituhukutu inapopozé siriktsa taypykbakanaha. Hawa siriktsa taypyknaha maku batu ihyriny myry.

<sup>28</sup> Ta zuba taypyknaha siriktsa mozipokonaha. Tapara ipa mozipo, iwaze ikoka motaypyk iwaze riktsa ikoka eze mynahareknaha. Sizubarētsa niubaranaha.

<sup>29</sup> Kyze moakuknahaze niunaha maku penari ty mysizyzyknaha, nikymynahaze atsoko mysizyzyk nah̄ — niy. Iwa Jesus siriktsa soho humo nisihyrinymyry.

### Mostarada riktsa soho humo nisihyrinymyryky.

<sup>30</sup> Jesus nipamykysokozo. Deus tyryktsa abazubatsa humo nisihyrinymyryky:

— Hawa kytsa Deus tyryktsa sa. Hawa Deus tyryktsa mypehakatsa zahawatawyky. <sup>31</sup>Rik tsibik taypykze watsa. Rik mostarada wata niy. Wytyk eze ziparikikze mostarada pyripykani riktsa. <sup>32</sup>Kyze rik taypykze hwi puētsikbyita mozik, tisarapazubaréta mozik. Iwaze piyksa ibete tahasuknaha isarapatsa watu mykaranaha — niy.

Iwa nipamykysoko Deus tyryktsa sizubarétsa mozik. Taparaka batu sizuba aibani abazubatsa moziknaha. Hawa mostarada niubara iwatsa Deus tyryktsa mysubaraka.

### **Taparaka iokpitsihatuk anasoho hi kytsa mysihyrinymyryky.**

<sup>33</sup>Iwaze Jesus sisoho sizubarétsa kytsa bo nipamykysoko. Iwa nisihyrinymyryky. Sibo nipamykysoko, zinymyrykynahaze iwaze kytsa nisihyrinymyrytohi. Isoho humo zuba nisihyrinymyryky. <sup>34</sup>Bykyzehu atazubaze zinymyrykynahatsa tuk sisoho humo nisiwatawyziu ana hi nitsasoko. Iwa sisoho humo mytsatyziu nikaranaha.

### **Sesus zopoktsa nisipykwyhik.**

<sup>35</sup>Kyze haramwe zunubakaze, Jesus zinymyrykynahatsa pe:

— Koikny tynaporenahaktsa kytsa! — niy.

Yh̄ niahā.

<sup>36</sup>Utsa nisiksiwyhiknahaze Jesus tsaraha eze nitareta, iwaze zinymyrykynahatsa zikorohyknaha. Nabo amykta taba zitsikzakanaha. Utsa tsarahatsa kino niwatihi nikurunaha. <sup>37</sup>Iwaze atsoko zopoktsa inabybyknaha. Pihik ihiridawy waha niukuru tsaraha pihik ty inaharekek, ana humo hi asiba nitaboknaha. <sup>38</sup>Sesus kino tsapukteze nihoeke. Zurubaka iharek panu bete nihoeke iwatsahi tahapybyspyk tu zituzutuzukunaha. Zinymyrykynahatsa ity zipopohiknaha.

<sup>39</sup>Kytsa:

— O mypehaktsa batu iktsa ziky tsimymybabakanaha! — niahā.

Kyikrikto niyze:

— O zopoktsa aksobyitahaktsa! Niwazuba pihik pyktykta! — niy.

Zopoktsa atsoko paŷ niahā. Pihik atsoko nitsikyrituhudibyri. <sup>40</sup>Sesus ispe niy:

— Amy pokso ahapybyrētsa “Jesus batu imypokzitsiuk” tsimykaranaha — niy. <sup>41</sup>Tahapybytuk tu nitsasokonaha:

— Atakta Jesus aty skaraba! Zopoktsa, pihik, ihumo ziwabyknaha. Aty skaraba Jesus! — nikaranaha. Batu sihyrinymyry. Jesus Deus tse, ihumo sihyrinymyrybyitsa.

### **Sesus maku hyrikosotsa sapybaratsa tukukta nisiksiwyhik.**

**5** <sup>1-2</sup>Iwaze koiknyktsa taba bo Keresa tyryktsa bo zukzuk niahaze. <sup>3</sup>Sesus byuzo niyze, maku ibo izumu. Hyrikoso sapybara

zikzibyituhukunaha tu ibo pororo ziknakaranaha.<sup>3</sup> Iwatahi siytyk baze nitareta. Atazuba zikzuruku. Mytyk ikny tahi ziknakara ana eze hi ziknapykyryk. Batu ipaiktaze kino zizukbatsi karikutsitsitsa humo kino ba ziknazukbatsikinaha ba itsipatsa ty pokzi zikaha ipyrytsa ty iwa ziknakaranaha kino batu karikutsitsitsa ziknasitsawakbakanaha ba aty tohi zipaik.<sup>4</sup> Karikutsitsitsa zipyrytsahäihiknahaze ziknasitsawakbaka sasabyitsaktsa batu sipaik ipaikwy tysukni ahabyitsa.<sup>5</sup> Okoroze unata niwatihi kadi ziknakara. Hara joboni eze siytyk eze kino niwatihi ziknakuru. Haraharetsa humo taharekywyikik.

<sup>6-8</sup> Iwaze érykani Jesus bo nikozoze ibo zumu. Taekaratsa humo iokeryk puruk puruk niy.

— O Jesus abazubata tsihyrinymyrēta — nikara. (Jesus ihyrikoso sapybara ziny tahi zipeha:

— O hyrikoso sapybara nabo pāoty! — niy.) Maku hyrikoso sapybara tukta opykani kakaik niy:

— Amo Jesus Ikia hi Deus tse. Amo skaraba kabotzikzumuku Deus zikwy humo awatu tykta! myhumo batu asopyksapyhukta — niy.<sup>9</sup> Jesus:

— Amo skaraba anaro — niy.

— O kanaro myzubaha katsa myzubarētsa h̄y — niy.



(Marakos 5.5)

<sup>10</sup> — O hyrikoso sapybara sapy bo ka isty pehapehabyity — maku nikara. <sup>11-12</sup> Pazaharezatsa sizubarētsa hara sukpe taba bo tahadisahkanaha.

— Katsaktsa za pazaharezatsa tuk tsimypykyknaha — hyrikoso sapybara nikaranaha.

<sup>13</sup> Sesus ispe niy:

— Pazaharezatsa bo tahaktsa — niy. Iwaze pazaharezatsa bo zumukunaha, asa hi iharatsupetohowy bo nitururukiknaha. Pihik bo niharazukzukbaiknaha sizubarētsa dois miutsa niakbabai knaha. De.

<sup>14</sup> Iwaze pazaharezatsa perytsitsa nitururukiknaha, nanabyitaba myzubaha bo nipamykysokonaha.

— Sesus hyrikoso sapybara nisiksiwyhik iwatsahi pazaharetsa niakbabai knaha — nitsasokonaha. Iwatsahi kytsa Sesus bo inakozorenaha:

— O hawa skaraba — nikaranaha. <sup>15</sup> Ibo izumunaha, maku bo nikozonaha. Astatu. Taparaka hyrikoso sapybara pokso, dyhyhabyita tu, inaukur zuba. Abaka Sesus baze modyhyky nikara. Taparaka batu isuku. Abaka tasukuk. Wasani mytsaty mykara nizororo. <sup>16</sup> Ibo nikozonahaze sipybyrētsa. Pazaharezatsa perytsitsa: — Iwaha nitsasokonaha — niah.

<sup>17</sup> Hyrikoso sapybara soho ty nipamykysobanahaze, kytsa:

— O tsiksizokta, Sesus! Ikia pokso mypybyrētsa — niah. <sup>18</sup> Iwaze Sesus tsaraha bo takoroze izonorota:

— O ikia hapik! — niy.

<sup>19</sup> Sesus:

— O batu. Awahoro bo tsiksikta! Atukytsa pe tsimy “O, Deus kahumo tsimypokzitsiukrēta. Abaka ikzororo” tykt! — niy.

<sup>20</sup> Hyŷ niy. Ziksizo. Itukytsa Sesus soho ty nipamykysoko. Nanabyitaba hudikhudikwy mytsiphyrytsawa bo Sesus soho ty nipamykysoko.

— O abaka ikzororo. Sesus zikzororowy — nikara. Sizubarētsa paikpa iktsa nikaranaha.

— Amo skaraba! — niah.

### Sesus imyitsapyritatsa zizororowy. Sairuste jypykyhyzytyktatsa zihyrizikpowy.

<sup>21</sup> Kyze Sesus zinymyrykynahatsa tuk amykta tabakta iziksizonaha. Iwaze nimyrazata eze kytsa sizubarētsa ibo izumukunaha. <sup>22</sup> Iwaze Sairu Sudeu wahoro taparaktsa Sesus bo izumu.

— Sesus abazubata — mytsaty nikara. Iwatahi taekaratza humo puruk puruk nikara <sup>23</sup> Niytahi:

— Pany Sesus! Tupakta kawahoro bo! Kaste pomozaka. Aidytykta! Ihumo paik tsimy zeka mozororo. Iwa zeka ba zikumuza — niy.

<sup>24</sup> Yhŷ niy. Sairu hapik neparak. Siapik sizubarētsa niukurunaha zihyrizabaiknaha.

### Sesus imyitsapyritatsa zizororowy.

<sup>25</sup> Wytyk tih siapik niukuru. Ispubyri ahabyitatsa ispu ba ziknapyk. Mytsyhyrytsa wa ziptyk tseheze imyitsapyritatsa ziknapykyryk. <sup>26</sup> Atatsa myzororowytsa bo. Nanabyi zikzikuku zikino batu izororowyhuk iwatatsahi taokyrysaroko zepykba. Imyitsapyritatsa babatatsa.

<sup>27-28</sup> Sesus soho kytsa nisizororowy ziwaby iwaze atatsa tasopyk:

— O ikza isuk humo paik my zeka mozororo — mytsaty nikara. Iwaze isukpetaba zuk. Kytsa papatu isuk tsihara humo paik niy. <sup>29</sup> Atsoko ispu inapyk nizororo.

— O ikzororobaba — mytsaty nikara. <sup>30</sup> Sesus zinymyry Deus zikwy zipo. Iwaze Sesus:

— Aty sa kasuk humo paik niy — niy.

<sup>31</sup> Zinymyrykynahatsa:

— O ikiasta iwewehe baeze tsimypykyryknaha. Amo “Aty sa kasuk humo paik niy” tsiky — niah.

<sup>32</sup> Sesus paikpa iktsa nikara aty sa kasuk humo paik niy atahi ziperyky. <sup>33</sup> Iwaze atatsa izororotatsa ibo zumuzo. Tsipybyrētatsa nikara. Nitydydykyktatsa tu ibo zumu iokeryk taekaratса humo puruk puruk niy. Ihumo tisprikporētatsa. Ibo ta humo ky nitsasoko. <sup>34</sup> Sesus ipe niy:

— O katukywatsa. “Sesus pikzororowy” tsiky. Ikia kazikwy humo aspirikpotatsawy azororowy. Akurētatsa tsiksi. Awahi tsikzororo baba — niy.

### Sesus jypykyhyzytyktatsa niratatsa zihyrizikpowy.

<sup>35</sup> Iwa nitsasokoze, kytsa sibo zumunaha. Kytsa Sairu wahoro ezechsa, sibo harape bo zumukunaha. Asahi:

— Aste botu nihyrikosokda Sairu. Kyzekta! Iwa zeka Sesus mytakni! — niah.

<sup>36</sup> Sesus ziwaby tahi Sairu pe niy:

— Apyby byihukta! Uta kabo zuba mytsaty tsimy zeka kahumo tsaspirikporēta. Tupakta! — niy. Iske buruk hyry hyry hyryzo niah.

<sup>37</sup> Iwaze Sesus tuk zinymyrykynahatsa harakykbyi zuba nisiokthyryk Peduru, Tsiaku, itsy Suão, iwatsa zuba Sairu wahoro bo zumunaha. <sup>38</sup> Ata wahoro eze kytsa sizubarētsa Sairuste pokzi hawa tohi zikahabyispyk nipiuziukunaha. <sup>39</sup> Sesus nitsukze ispe niy:

— Hawa hatsa sa tsimopuziukunaha Iste mahani isukmuza byitatsa tu purubakatu — niy.

<sup>40</sup> Iwaze ana hi ziwabynahatsa hazi nikaranaha. Sesus humo sihyrinymyrybytsa iwatsahi tsaeni bete tu nikaranaha. Sesus ispe niy:

— Ape bo tsiponahaktsa! — niy, ape bo kytsa zipoiknaha. Iwaze Sesus tatuktsa, Sairu, Sairu oke, iwa jypykyhyzytyktatsa bo izumunaha.

<sup>41</sup>Sesus jypykyhyzyktatsa bo izumuze itsyhyrype humo paik niy. Ipe:  
— Tarita kumi — niy. Siharere piwatawy. — Jypykyhyzyktatsa pe  
kyiktyktsa! — niy.

<sup>42-43</sup>Atsoko nahyrizikpo, natarikto, zitabaka iwaze nipybybaiknaha.  
Atatsa dose mytsyhyrytsa wa ziptyk tsehetatsa. Sesus kytsa pe:  
— Ahakso byitaha. Atatsa idisahawy ty ibo nnyntaha! — niy.  
Idisahawy ty ibo nny niaha. Iwa h̄y.

### Nasare ezektsa Sesus harere bo batu yh̄ nikaranaha.

**6** <sup>1</sup>Kyze Sesus ziksizo. Nasare eze itapykyk zinymyrykynahatsa  
tuk zumu. <sup>2</sup>Nawa zuruze tabyrywy eze Sudeutsa wahoro bo  
zumubanaha. Anaeze kytsa nisihyrinymyrykyze sipybyr̄etsa nikaranaha.  
Ihyrinymyrywy ziwabynahaze nipybybaiknaha. Asa hi:

— Atakta hawa sa zinymyryky. Hawa myhyrinymyrywy baba sa. Aty  
sa zispirikpoko. Amy ty kytsa batu zikaha ana ty hi mykara, aty sa zikwy  
ituk mynapkyryk. <sup>3</sup>Atahi ja hwitsabikitsa Maria tse. Tsiaku Sose Sudas  
Simaõ iwatsa moziky ipe sisopyk. Iwa itukytsa maha. Itukykyry mytuk tu  
niwatihi maha — nikaranaha.

Iwaze iharere bo batu yh̄ nikaranaha. <sup>4</sup>Iwaze Sesus ispe niy:  
— Nanabyitaba Deus sohokotsa harere kytsa piwabytoktokonaha. Atahi  
tahudikhudikwy eze tu zeka iututsa pauktsitsa batu iharere ziwabynaha  
— niy.

<sup>5</sup>Kytsa Sesus humo sispirikpoziubyitsa zikwy batu iwatawyhy. Atahi  
batu sizuba simyitsapyrtsa nisizororowy tatsyhyrypetsa ty sibete tsika  
nikaraze nisizororowy. <sup>6</sup>Ihumo sispirikpobyitsa tu ana humo hi paikpa  
mytsaty nikara.

### Sesus dose zinymyrykynahatsa nisipeha.

Iwaze ustsa myzubahatsa bo niukuru, anabo kytsa nisihyrinymyryky.  
<sup>7</sup>Kyze Sesus tuk zinymyrykynahatsa nisipehaka. Iwaze tazikwy ty sibo  
nny niy. Iwatsahi kytsa asahi hyrikosotsa sapybaratsa sibo pororo  
ziknakaranaha nisiksiwyhiknaha. Sesus zikwy humo hi hyrikosotsa  
sapybaratsa ziknasiksiwyhiknaha. Nanabyitaba nisipehaka. Sipetok  
kohotsa ty zuba iwa nisipeha. <sup>8</sup>Ispe niy:

— Ahazozowy ty zuba wabehyryk taha. Ėryka bo tsipomonahaze  
ahaborohobyitsa tutaha! Ahadisahawy byitsa tutaha! Okyrysaro ty kino  
pok pok byitaha! <sup>9</sup>Ahapyrysuktsa ty zuba korobyktaha! Usa ahasuk tyka  
pok pok byitaha! Estuba zuba tsimaha. Batu petok suk pok pok byitaha  
— niy.

<sup>10</sup>— Hudikhudikwy tsimyzumunaha. Wahoro bo tsimypupunaha zeka  
anaeze hi tsimypykkyryknaha. Asta wahoro eze tu zuba tynapykyryknaha.  
<sup>11</sup>Tsipomonahaze tsarytsitsa ahape pany pakuty ahabyi zeka. Asaktsa

ahaharere ty waby ahabyizeka meky botu tsimaha. Tsimykurunahaze ahapyrysuktsa ty bokbokyk taha. Wytyk tazy ty mynatō. Mynatō zeka sihudikhudikwy ezektsa Deus harere bo batu yhŷ niahia iwatawy — niy. Iwa Deus mysisininiwyky anahi piwatawyky.

<sup>12</sup> Iwatsahi zinymyrykynahatsa Deus wasaniha sizubarētsa bo motsasokonaha. Asaktsa:

— Ahasopyksapybyitsa ty tsikykaranaha tsimoewynahaktsa kytsa — nikaranaha.

<sup>13</sup> Kytsa asahi hyrikosotsa sapybaratsa sibo pororo ziknakaranaha nisisiksiwykynaha. Simyitsapyritsa siharek bete ituta hyrity waha ty ziknasihararusunahaze ziknasizororowykynaha.

### Suão Batista bezewy.

<sup>14</sup> Kyze sihudikhudikwy pehakatsa myhyrizikwanitsa Erodes inarokota atahi Jesus soho ziwaby. Kytsa sizubarētsa Jesus soho ziwabykynaha. Asa zuba nipamykysokonaha:

— O atakta Suão Batista inahyrizikpo iwatahi amy ty kytsa zikahabara ty ana ty hi mykara.

<sup>15</sup> Ustsa batu:

— O atakta Erias taparakta mydiri — nikaranaha.

— O batu, taparakta Deus sohotsa ziknakaranaha — ustsa wastuhutsa nikaranaha.

<sup>16</sup> Erodes ana ziwabykyze:

— O ata hi ja Suão Batista iky. Uta kino kytsa pe Suão Batista soik buruk hi bokokik iky. Atahi ja inahyrizikpo — niy.

<sup>17</sup> Tapara Erodes pehakata kytsa Suão bo nisipehahik. Asahi itsipa humo sakyriukrēnikitsa hurukwy bo zioktyhyryknaha. Ana eze karikutsitsiwytsa ty zipawarakanaha. Iwa hŷ. Ana kino isopyk Erodias humo. Tatsa itsy Piripi oke iwatuze atatsa tuk ziakse niy. <sup>18</sup> Tapara Suão tihi:

— Ikia Deus harere bo batu yhŷ tsimy. Deus harere tihi “Atsy oke ba ziakse.” Ikia atsy oke tsiakse iwatahi Deus harere bo yhŷ ahabyitahi tsiky — ziknakara.

<sup>19</sup> Ana humo hi Erodias tsiakyriukarētatsa, iwatatsahi Suão zibezekyzyky Erodes ipokso hi batu zik, atahi ihumo tsipybyrēta. <sup>20</sup> Erodes Suão soho humo tsihyrinymyrēta. Atahi tsimysapyrēta ana humo hi tsihyrinymyrēta. Iwatahi ihumo tsimyharerewabyrēta. Iharere humo ziwabyze paikpa mytsaty nikara. Iharere ziwaby tsihikik ziknakara:

— Atakta sakyriukrēnikitsa hurukwy eze ka kytsa ba zibezenaha, iwahi piperyky — mytsaty nikara.

<sup>21</sup> Kyze Erodes myikaha zumuze. Tumy tsihohokrēna inakymyze iwa Erodes purukwy zumuze imykaha bo mytsaty nikaranaha. Sizubarētsa

sakzohotsa bo huahua niy. — Kamyikaha bo tyzumunaha — nikaranaha. Kytsa myhyrizikwanitsitsa sodadutsa pehakatsa, Karireja hudikhudikwy ezektsa asaktsa simyhyrizikwanikitsa iwatsa kytса sizubarętsa imyikaha bo izumunaha. Iwaze Erodes oke Erodias inarokotatsa ana hi ziperyky iwaze hi Suão zibeze tsihikik. Naha atatsa tape aba ikza Suão pibezewyky. <sup>22</sup>Kyze Erodias ste jypykyhyzytyktatsa tsarawybara bo tu netsuk. Atatsa hi Erodes ykzohotsa okze nikariki. Tisapyręna ty nikariki iwatatsa hi kytса sakurętsa nikaranaha. Iwaze Erodes ipe niy:

— Amy sa tsimyzihikik. Amy ty kabo tsimyzapyky zeka anatyhi abo nyny my.

<sup>23</sup>Deus kaharere piwaby iwatahi atsatu mykara. Amy kabo tsimyzapyky zeka ana ty hi abo nyny my. Kahudikhudikwy bo tsimyzapyky zeka tsapukte buruk abo nyny my — niy.

<sup>24</sup>Iwaze atatsa zoihik. Taje pe niy:

— O kaje amy sa ibo myzapyky — niy. — Suão Batista harek tsimyzapyky h̄y — ije niy.

<sup>25</sup>Iwaze aidy atatsa ziksizo. Erodes pe niy:

— Suão Batista harek ty kabo nyny tsimy h̄y. Aidy iharek ty mypewy eze korok tsimy iwaze kabo tyny — niy.

<sup>26</sup>Sipehakatsa Erodes zisukatsihikbaik. Suão Batista soho ziwabyze tisukatsihikaręta nikara. Taharere ty ka sakzohotsa bo batu yh̄y niy, ana humo hi batu tyso. Tisikpybyręta. Iwaze sodadu pe niy.

<sup>27</sup>— Suão Batista harek ty bokokiktyka. Isoik buruk bokokyk ty — niy. Sodadu niparak. Sakyriukrénikitsa hurukwy bo netsuk. Anaeze Suão soik ty bokokik niy. <sup>28</sup>Iwaze iharek ty mypewy eze niy. Erodias ste bo zibykryyk. Atatsa taje bo iharek ty nyny niy. Iwa Erodes Suão Batista zibeze. Erodias iharek bo iksa niyze Suão zibeze tsihyrinymyrętatsa.

<sup>29</sup>Suão Batista tuk zinymyrykynahatsa ana soho ziwabynahaze izumukunaha. Inury ty zizozikarenaha. Harahare yktaba nitsahoroknaha de.

### Sesus kytса sizubarętsa nisidisahawyky.

<sup>30</sup>Kyze siakzohotsa Jesus bo ziksizonaha. Amy ty nisihyrinymyrykynaha ibo nipamykysobaiknaha. <sup>31</sup>Kytsa sizubarętsa paikpa myzukurunaha zinymyrykynahatsa Jesus ahatsa bo zumukunaha. Iwatsahi sibyrybyitsa tu nikaranaha sidisahabyitsa tu. Iwaze Jesus zinymyrykynahatsa pe niy:

— Nabokta jerukbara bo tsimymybyrynah! — niy.

Yh̄y niah.

<sup>32</sup>Iwaze zinymyrykynahatsa ituk jerukbara bo tsaraha eze kokokorohyk niah. <sup>33</sup>Ustsа kytса zuba nisinynaha. Asaktsa:

— O Jesus tuk zinymyrykynahatsa nabo mokurunaha.

Tsimytururuknahaktsa! Hara taba siharaze nabo tsipomonahaktsa! — niah. Kytsa sizubarętsa niukurunaha.

<sup>34</sup> Iwaze Sesus anabo byuzo niyze kytса sizubarëtsа bo iktsa niy. Sihumo tsimypokzitsiarëta, sispirikpobyitsa tu sihumо tsimypokzitsiukrëta:

— O Deus soho piwaby tsihikiknaha iwatsahi kaharaze nitururuknaha — niy. Iwaze Sesus nisihyrinymyryky iwaze kytса ziwbabtoktonaha.

<sup>35</sup> Zunubakaze zinymyrykynahatsа ibo zumunaha:

— O Sesus tykara eze ka batu mydisahawyky. Abaka punubaka hÿ. <sup>36</sup> Kytса hudikhudikwytsа bo tysipehakta! “Ahadisahawy tyzeskyknahaktsа” tsimy — niahа. <sup>37</sup> Sesus:

— O ikihatsа sidisahawy ty sibo nnyntahaktsа! tsimaha — niy.

— Hawa skaraba atsikara ty huak tsimaha batu okyryssarotsа dusëtos namy parata hi batu ziakse. Batu amy tohi ty zikaha — niahа.

<sup>38</sup> Sesus:

— Hana wa skaraba mydisahawy iksatahaktsа! — niy. Kytса iksa niahaze:

— O atsikara mytsyhyry wa zuba. Piknutса petok zuba — niahа.

<sup>39</sup> Iwaze kytса sizubarëtsа pe tsimaha:

— Tyk humo dyhy dyhytaha! Parakbaha dyhy dyhytaha! — Sesus niy. Sïkuëtsа, sëtsа iwa nidhyhydyhykynaha. <sup>40</sup> Towahaditsа sikakairëtsа bete itahadyhydyhykynaha. Parakbaha së, sïkuëta iwatsа sibete nidhyhydyhykynaha. <sup>41</sup> Iwaze Sesus atsikara ty okok niyze, piknutса ty iwa nasekykzoze bijo bo iksa niy. Deus pe nikara:

— Ikiakta tsamysapyrëta ikia humo ka mykurëtsа — niy. Atsikara zitsakze zinymyrykynahatsа bo nnynta niy:

— O sibo tsipibiaknaha piknutса petok tsibik zuba tsatu niwatihi sibo nnyntahaktsа! — niy. <sup>42</sup> Sibo nnynta nnynta nnynta niy. Sesus ziubarawы iwatsahi kytса sizubarëtsа tahadisahakanaha. Sibo zibiakakzoze iwaze nitare tu. Bykyze:

— O mysorokrëtsа — nikaranaha.

<sup>43-44</sup> Tahadisahabanahaze atsikara piknutса ahatsа nitare nahatsа peryktsа bo zipupukunaha. Mytsyhyrytsа ty pÿ ahatsawa nasiharekbanaha. Kytса sizubarëtsа sïko miutsа tahadisahakanaha. Siokeza, tahahyrytsа tuk niwatihi tahadisahakanaha.

### Sesus pihik tsiksukpe buruk niukuru.

<sup>45</sup> Atsoko Sesus tuk zinymyrykynahatsа Betesaida bo nisipeha. Ispe niy:

— Tsaraha eze kokokorohyktaha! Kaharaze pihikzotsabyri koikny tsitsikzanahaktsа! kytса! — niy. Iwaze Sesus myzubaha siwahoro bo nisipehaka. Nisipehakaze zinymyrykynahatsа koikny ziturikinaha. <sup>46</sup> Myzubaha ziksibananahaze, Sesus hara bo nido. Anaeze Deus bo nipamykysoko. <sup>47</sup> Zunubaze Sesus atazuba hara bo nido. Zinymyrykynahatsа pihik tsikpukteze buruk ziturikinaha.

<sup>48</sup> Sesus sibo nikozo. Opykani ziturikinaha. Zopoktsa pokso opykani ziturikinaha, iwatsahi ispara izumu. Zokorobyitu sibo niy. Miwa botu kytsa bo phik tsiksukpe buruk inaukuruharazuk ahabyita pitabaka. Asiba nisiharamu.

<sup>49-50</sup> Sesus bo nikozonahaze pihik tsiksukpe buruk niukuru sipybyrëtsa nikaranaha. Tahapybyspyk tu kakaik niah. Ihyrisko zuba mytsaty ahabyitsa. Ipokso sipybyrëtsa. Iwaze atahi:

— O ahapunihikuktsa kytsa! Ahapyby byihu ja! Uta hi mykara — Sesus niy.

<sup>51</sup> Iwaze Sesus tsaraha bo natakoro. Atsoko zopoktsa inapyknaha niukurunaha. Iwatsahi paikpa mytsaty nikaranaha. <sup>52</sup> Sesus Deus tse babata humo batu sihyrinymyry. Amy humo kytsa sizubarëtsa disahawyky ty ziubarawy ana humo hi nisiswatawy zinymyrykynahatsa ihumo batu sispirikpo. Sioktsiokrëtsa iwatsahi batu siaku. Bykyze zuba Sesus humo sispirikporëtsa moziknaha.

### Kenaserete bo simyitsapyritsa nisizororowy.

<sup>53</sup> Pihikzotsabyri zitsikzanahaze Kenasere bo zumunaha. Ipupuwu bo nimyra byu niah. <sup>54</sup> Tsaraha ikny nizoknahaze kytsa Sesus zinynaha.

<sup>55</sup> Iwatsahi siwahoro taba paikpa zikzumukunaha. Simyitsapyritsa Sesus bo nisiocktyhyryknaha. Asaktsa tahawanu eze tu ibo nisiocktyhyknaha. Nanabyitaba niukuruze.

56 Kytsa hi:

— O Sesus mybo mozumuku — niah. Ana zikziwabykynahaze simyitsapyritsa Sesus bo ziknasioktyhyryknaha. Tsarawaybara eze simyitsapyritsa iokeryk ziknasihoekeknaha. Situkytsa Sesus pe niah:

— O asuk tsihara humo paik tsimaha zeka mykurëtsa — nikaranaha.

Yhÿ niy.

Iwaze asaktsa Sesus suk tsihara humo paik maha zeka mozororobaiknaha. Nanabyi Sesus zikwy humo simyitsapyritsa sizubarëtsa nizororobaiknaha.

### Sesus Sudeutsa sopykwu humo nisihyrinymyry.

**7** <sup>1</sup>Kyze Pariseutsa iwatahatsitsa kino niwatihi asaktsa Serusarëhe ezektsa inakypyknaha. Sesus bo izumubanaha. <sup>2</sup>Taparaktsa sopykwu ty nisihyrinymyryknaha. Tapara tahatsyhyrype pikiknaha iwaze tahadisahakanaha. Taha ty tsyhrype pik byizeka ba ziktahadisahanaha.

<sup>3</sup>Pariseutsa Sudeutsa ahatsa tahatytshyrype pik byizeka ba ziktahadisahanaha, sizotsa iwa nisihyrinymyryknaha. <sup>4</sup>Hawa ha ty sidisahawy zozokorowy ikny zibykyknahaze nitsapikknaha tsizubarëna iwaze zuba tahadisahakanaha. Iwa taparaktsa sopykwu humo nikaranaha. Deus okze ka mysapyrëtsa mytsaty ahabyitsa nikaranaha. Taparaktsa sopykwu humo yhÿ byizeka Deus ispe:



(Marakos 7.2)

— Ikiahatsa batu ahamysapy — mytsaty ahabyitsa ziknakaranaha. Sipowsuktsa ty morosuk ty karikuktsa ty iwahatsa ty mysiokepiknaha taparaktsa sidirtsitsa sopykwy humo.

<sup>5</sup>Sesus tuk zinymyrykynahatsa tahadisahanahaze ba ziktahtsyhyrype piknaha. Taha ty tsyhyrype pikbyritsa tu tahadisahakanaha. Taparaktsa sopykwy humo yhŷhabyitsa nikaranaha. Iwaze Pariseutsa Moises harere watahatsitsa niwatihi ana bo kino iktsa nikaranahaze ipe niaha:

— Amy humo zinymyrykynahatsa taparaktsa mydiritsa sopykwy yhŷhabyitsa nikaranaha. Amy skaraba sitsyhyrytsape pikihikbyitsa tu tahadisahakanaha — niaha.

<sup>6</sup>Iwaze Jesus ispe niy:

— Tubabatu Deus ahasoho ziwatahaka. Ikiahatsa zihawatahakanahatsa watsa kytса bo tysimiywykynaha. Isaijas Deus sohokotsa tihi:

“Asaktsa katsa Deus humo mymypočzitsirētsa mybarapetu mykaranaha. Ihumo batu simypočzitsi, iwatsahi nisispihikbatakanahatsa.”

<sup>7</sup>“O Deus ikia zuba wasani tsimykara” nikaranaha  
kaharere bo batu ma nikaranaha. Sispikhikbatakatsa tu  
“O katsa Deus harere ahabo tsimytsasokonaha” mybarapetu  
nikaranaha.

Tahaharere ty zuba motsasokonaha.

Tubabatu Isaijas Deus sohokotsa iwa sisoho ziwatahaka — Sesus niy.

<sup>8</sup> Deus harere bo batu ma zikaha. Iharere batu ahawabyhy. Ahazotsa sopykwy ty zuba tsimykaranaha.

<sup>9</sup> Deus harere bo batu yh̄. Katsa mysapyrētsa mytsaty ahabyitsa tsimykaranaha, ahasopyk zuba tsimyzihikiknaha. Batu ahape tu tsipimyikiknaha.

<sup>10</sup> Tubabatu Moises ziknakara:

— Ahazotsa tysipokzitsinahaktsa! Ahazotsa, ahajeza kino niwatihi wasani ahasopyk. Aty tazo pisapybyriki zeka tsibezechik. Aty taje pisapybyriki zeka tsibezekta — niy. Iwa tubabatu Moises ziwataha ahazotsa soho. Ikiahatsa hi iharere bo batu yh̄ zikaha. <sup>11</sup> Ikiahatsa hi:

— O kazo kaokyrysaro ty abo nyny mykara eze tu batu zik.

Anaokyrysaro ty Deus bo nyny my iwaze ba zatsumuēhī — tsimaha.

<sup>12</sup> Anahi kytsa bo tsimytsasonaha zeka tsimyikiknaha. Kytsa tahanamy ty tahazotsa bo nyny maha wasani maha. Aha humo batu nyny maha. Iwaze ikiahatsa kytsa tysimiyiwkykynaha.

<sup>13</sup> Ikiahatsa Deus harere bo batu ahamyzihik. Ahaharere ty zuba tsimykaranaha. Iwaze Deus harere humo batu ahakparawy. Iharere humo tsipimyikiknaha. Sesus Pariseutsa pe niy.

### Kytsa simysapybyitsa moziknaha.

<sup>14</sup> Kyze Sesus kytsa sizubarētsa pe niyzo:

— Kabo tyzumunahaktsa kytsa. Kaharere bo wabytaha!

Tsiwabytoktonahaktsa! — niy. <sup>15</sup> Amy ty maku hauk my zeka ba ana humo hi isopyksapybyita nikara. Hawa kytsa mytsaty mykara ana humo hi batu imysapy mozik. Hawa motsasoko ana humo hi batu imysapy mozik hawa mynakara ana kino batu imysapybara mozik.

<sup>16</sup> Kaharere tsipiwbaby tsihikiknaha zeka wabytoktotahaktsa! — niy.

<sup>17</sup> Iwaze Sesus myzubaha ikny neparak. Zinymyrykynahatsa tuk iwahoro bo zumunaha. Inapupunahaze ipe niahā:

— Amy ty asoho ty tsimymywatawyky, amy ty tsimymyhrinymyryky — niahā. <sup>18-19</sup> Sesus:

— Ikiahatsa ja niwatihi ikiahatsa sizubarētsa watsa, batu wabyziuha tsimaha. Kytsa tahadisahakanahaze wasani mykaranaha. Ana humo hi sakurētsa moziknaha. Sidisahawy siwazik eze zuba. Iwaze pikaranahaze hana bo ja — niy.

Iwa Sesus nisihyrinymyryky nanabyi mydisahawy wasani my, kytsa bo mektsatu disahawy watsa ty wasani my.

<sup>20</sup> Sesus nitsasokozo:

— Mydisahawy tisapyrēna my. Hawa ty kytsa mytsaty mykaranaha ana humo hi batu imysapy my.

<sup>21</sup> Kytsa wytykyryk ahaza niwatihi hawa sa batu simysapy mytsaty mykaranaha zeka sisopyksapybyitsa tu mykaranaha anahi batu imysapy. Iwaze kytsa ustsaktsa pimiywi tsihikiknaha. Mekta oke tu piakse tsihikiknaha. Mektatsa barikta tu mozihikiknaha zeka. Kytsa mysiba tsihikiknaha. Kytsa namy piakse tsihikiknaha. <sup>22</sup>Mekta oke bo ihizikikwy. Siharerewabymybarētsa. Simyspihikbataniktsa. Sisopyksapybyitsa tu mykaranaha anahi zimiywynaha. Sizokdirētsa. Utsa mysimiywykynaha. Sisakimyijarētsa tu, “O katsa zuba mysapyrētsa” mybarapetu mykaranaha. <sup>23</sup>Iwa kytsa mytsaty mykaranaha zeka iwaze batu imysapy moziknaha. Ana kino batu imysapy my. Mydisahawy zuba tisapyrēna my — Sesus niy.

### Sudeubyitatsa tu Sesus humo tisprikporētatsa.

<sup>24</sup>Kyze Sesus neparak. Tiro bo bytykareze tu anabo niukuru. Anaeze wahoro bo nitsuk. Nitare tykareze. Kytsa batu ityny anaezehe nitarespyk. Batu kytsa ityny.

<sup>25</sup>Iwaze wytyk Sesus wahoro eze ziwaby. Ana ziwabyze atsoko wahoro bo neparak. Atatsa ste bo hyrikoso sapybara ibo pororo ziknakara. Iwatatsahi aste tsyhryze Sesus bo niy. Zumuze iokeryk taekaratsta humo puruk puruk niy, ihmum tisprikporētatsa nikara iwaze iokeryk taekaratsta humo puruk puruk niy. <sup>26</sup>Atatsa Sudeubyitatsa tu Kereko harere nitsasoko. Siropenia ezektatsa niy. Iwaze atatsa hi Sesus pe niy:

— O hyrikoso sapybara ty kaste bo pororo mynakara tsiksiwyhik ky!  
Nabo pāoty tsimy — niy.

<sup>27</sup>Sesus ipe niy:  
— Batu. Ikia Sudeubyitatsa tapara kahyrytsa Sudeutsa mysitsumuēhī. Bykyze zuba Sudeutsabyitsa mysitsumuēhī. Tapara ahahyrytsa zitadisahanaha bykyze zuba kytsa sidisahawy tsihirik ty tsikuparinitsa bo nyne mynakaranaha. Tapara tsikuparinitsa bo ahadisahawy ty nyne tsimaha zeka batu isapy tsimaha. Isopyksapybyitsa. Ihyrytsa tapara tadirahanaha — niy.

<sup>28</sup>Atatsa ipe niy:  
— O myhyrinymyrykytsa wasape tsiky. Tsikuparinitsa zipyryktsa hwi upukezi tu asaktsa itsatsakyhy arehe ty tahadisahakanaha. Itsatsakyha ty tsikuparinitsa tahadisahakanaha. Ikza kino niwatihi piperyky tsipiktsumuēhī tsikuparinitsa zipyryktsa hwi upukezi watsa — niy.

<sup>29</sup>— O aharere wasani my niy. Ana harere humo kino awahoro boktsa! Hyrikoso sapybara ty aste ekze botu iksiksiwy — niy.

<sup>30</sup>Iwaze atatsa tawahoro bo ziksi. Nitsukze iste wanu eze nihoeke. Hyrikoso sapybara botu nisiksiwy tsakurētatsa niyzik.

### Sesus zikwy humo iharawita ziwaby.

<sup>31</sup>Kyze Sesus Tiro ikny neparakze. Sidō bo nio kyze Dekaporis ziharamu Karireja pihikzotsabyri bo niy. <sup>32</sup>Iwaze kytsa iharawita Sesus

bo ziocktyhyryknaha. Ana humo kino iharerebyita. Kytsa Sesus bo ziocktyhyryknaha ipe niahā:

— O atsyhyrype ty iharawita harek bete tsikatykta! Iwaze tsipizororowyky — nikaranaha.<sup>33</sup> Iwaze Sesus iharawita ziocktyhyryk. Sizubarētsa ikny ituk zuba niy. Iwaze Sesus maku ispiuke bo tatsyhyry ty korok niy. Hezok niy. Tasaytsik ty iharawita stiārik bete tsika niy.<sup>34</sup> Iwaze bijoik pe bo iktsa niyze sysy nikara. Ipe niy:

— *Epapata* — iharere nitsasoko. Ana harere ziwatawy — Aspiukitsa saparetaha — niy.

<sup>35</sup> Iwaze ispiukitsa sapare niahā. Ziwbabyky istiārik zizororobaba tsihareresapyrēta niyzik. <sup>36</sup> Asaktsa ibo iktsa niahaze ispe niy:

— Ana kino kytsa sizubarētsa bo batu tyso — niy. Iharere bo batu ma zikaha. Ziknapamykysokonaha hawa iharawita zizororowy naha nanabyitaba ana soho ziknatsasokonaha.<sup>37</sup> Paikpa iktsa nikaranaha. Asa hi:

— Amy skaraba nikara tisapyrēna my — nikaranaha. — Atakta iharawita tu abaka piwabyky. Ata iharerebyita tu abaka taharere piziuku. Hawa skaraba my — nikaranaha.

### Sesus sizubarētsa nisidisahawyky.

**8** <sup>1</sup>Kyze myzubaha Sesus tuk inakypykzonaha. Batu sidisahawyky iwatsahi siarapa izumu. <sup>2</sup>Iwaze Sesus zinymyrykynahatsa pe niy:

— Pany pāotynaha! Uta kytsa abazubatsa humo kamypokzitsiarēta. Harakykbyihi katuk zurunaha aba sidisahawy nepykba. <sup>3</sup>Ispe: “Awahoro bo tsiksinahaktsa!” my zeka ske buruk taharapatsapyrispyk pumuzanaha, mektsaktsa ēryktsa tu izumukunaha — niy.

<sup>4</sup>Zinymyrykynahatsa:

— Hawa skaraba tsimaha. Batu aty tohi mydisahawy ty kytsa bo nyny zeky. Jerukbara bo batu mydisahawyky. Katsaktsa ba ziksitsumuēhīnaha — niahā.

<sup>5</sup>Sesus:

— Atsikara ja hana wa skaraba atsikara — niy.

— Yh̄. Nawa usta tsyhrype wa humo petok ziakyri sete atsikara tsimaha — niahā.

<sup>6</sup>Iwaze Sesus kytsa sizubarētsa pe niy:

— Wytyk humo dyhy dyhy taha! — niy. Iwaze Sesus atsikara ty okok niyze Deus pe niy:

— Ikia tsamysapyrēta ahumo ka mykurētsa — niy. Atsikara zitsaktsakze tatuktsa bo nyny niy:

— O sibo nnytaha! — niy. Iwaze zinymyrykynahatsa sizubarētsa bo atsikara kytsa bo zibiakaknaha.<sup>7</sup> Piknutsa batu sizuba niwatihi niahā. Sesus Deus pe niyzo:

— O kazo ikia zuba tsamysapyrēta. Piknutsa zipyryktsa ty mybo nynytykta — niy. Iwaze zinymyrykynahatsa pe niy:

— O sizubarētsa bo piknutsa zipyryktsa ty nynytaha — niy.

Yh̄y niahā. Iwa kytsa sizubarētsa bo piknupyryktsa nisibiakaknaha. Kytsa sizubarētsa bo nyny nyny nyny nikaranaha. Nisiubarawy.

<sup>8</sup>Kyze kytsa sizubarētsa:

— O mysorokrētsa — nikaranaha. Tahadisahabanahaze zinymyrykynahatsa atsikara piknutsa ty itsatsakyhy arehe ty peryktsa bo zipupukurunaha. Pok pok pok nikaranaha. Iwa sete peryktsa inasiharekbanaha. <sup>9</sup>Kytsa sizubarētsa tahadisahakanaha. Kwatero miutsa ahatsa. Iwaze Sesus nisipeha:

— Ahawahoro bo tsiksina haktea! — niy.

Yh̄y niahā.

<sup>10</sup>Iwaze Sesus tsaraha bo itakorohyk. Zinymyrykynahatsa tuk kokokorohyk. Daramanuta bo niahā.

**Pariseutsa Sesus pe — Amy ty kytsa batu zikaha tymywatawy — niahā.**

<sup>11</sup>Iwaze Pariseutsa Sesus bo izumunahaze niharapebetsakaknaha iwaze ipe niahā:

— Deus zikwy mybo tsiwatawykta. Atakta bijoikpe iknykta zikwy iwatawy humo tsiny tsihikiknaha iwatsahi Deus zapeha tsinymyrykynah — niahā. Iwa ziakzobyrikinaha. <sup>12</sup>Sesus sihumo tisukatsihikrēta. Ihumo batu sispirikpo ana humo hi tisukatsihikrēta. Ispe niy:

— Amy humo abaktsa kytsa iwatawywy myziberikinaha. Amy humo utakta Deus zikwy mysiwatawy mozihi kiknaha. Kaharere wasape batu amy tohi abaktsa kytsa bo mysiwatawy — Sesus niy.

<sup>13</sup>Iwaze Sesus neparak. Tsaraha bo takorozo. Zinymyrykynahatsa tuk pihikzotsabyri koikny nipo. Pariseutsa asa zuba pihikzotsabyri sak niriktotohokonaha.

**Pariseutsa, Erodes niwatihi sihyrinymyry napyto waha.**

<sup>14</sup>Zinymyrykynahatsa atsikara humo nispiriktsokdanaha. Estuba zuba tatuskibykyknaha. <sup>15</sup>Iwaze Sesus ispe niy:

— O kytsa pykyhytutaha. Pariseutsa harere humo pykyhytutaha. Erodes harere humo niwatihi pykyhytutaha! Sihyrinymyrywy napyto naha waha anaty hi jokpitsihik abahi atsikara tsakyky napyto naha humo nawerekbaik. Iwaze sispirikpobytitsa siharere bo yh̄y mykaranaha — niy.

<sup>16</sup>Iwaze zinymyrykynahatsa asa zuba nipamykysokonaha:

— Anatyihi nitsaso atsikara humo tsikspiriktsokdanaha ja — nikaranaha. Iharere batu sinymyry.

<sup>17</sup>Sesus siharere humo tsihyринymyрета. Iwaze atahi:

— Amy humo tsimaha ikiahatsa “Katsaktsa atsikara byitsahi iwatahi anapytowy soho mybo nitsaso tsimaha”. Kahumo batu ahaspirikpo. Batu

kabo mytsaty tsimaha. <sup>18</sup>Ikiahatsa ahahyriziktsa katsa tuba, iwatsa tu batu iksa zikaha. Ikiahatsa ahaspiukikitsa tuba iwatsa tu batu waby zikaha. Hawa ha ty botu ikykara tsikspiriktsokdanaha ja. <sup>19</sup>Atsikara mytsyhyry tsawata zitsaktsakze kytsa sizubarētsa sīko miutsa bo nyny iky, hana wa ja peryktsa bo tsipupukunaha sa atsikara ty jerehe haty tsikaha — niy.

— Dose peryktsa tsiknasihareknaha — niah.

<sup>20</sup>— Atsikara usta tsyhyry humo petok ziakyri sete zitsaktsakze, kytsa sizubarētsa kwatero miutsa bo nyny iky, hana wa ja peryktsa bo tsipupukunaha sa itsatsakyhy jerehe haty tsikaha — niy.

— Sete peryktsa tsiknasihareknaha — niah.

<sup>21</sup>— Yh̄ iwa atsikara tsizubarēna niyzik. Ikiahatsa ahamytsatyhybyritsa tu — Sesus niy.

### Sesus Betesda eze ihyrizikbyrita zizororowy.

<sup>22</sup>Kyze Susus Betesda ezektsa bo niukuru, zinymyrykynahatsa tuk zumunaha. Kytsa ihyrizikbyrita ibo izioktyhyryknaha.

— O Susus ikia ihyrizikubyita ty tsika tsimy zeka mozororo — niah. Iwa nizapykykynaha. <sup>23</sup>Iwaze Susus ihyrizikubyita tsyhyry humo paik niy. Ape baze myzubaha pauk bo ziocktyhyryk. Iwaze hezok niy. Tasaytsik ty ihyriziktsa bo tsyktsyk niy. Tatsyhyry ty ihyriziktsa bete tsika niyze:

— Hawa sa iksa tsimykara — niy.

<sup>24</sup>— Abaka tsikaeni zuba iksa mykara. Kytsa hwitsa watsa kaokeryk monaukurunahatsa watsa — niy.

<sup>25</sup>Iwaze Susus tatsyhyry ty ihyriziktsa bete tsikazo niy. Nizororo. Amypybyri niyzik iksaziu nikara. Nizororobaba h̄y. <sup>26</sup>Sesus ipe:

— Awahoro bo tsiksikta! Beteda bo ka erete eretebyijaty — Sesus niy.

### Peduru Susus soho humo zinymyry babata.

<sup>27</sup>Kyze Susus tuk zinymyrykynahatsa tuk nitururuknaha. Sisarija Piripi bo niukurunaha. Piripi sihudikhudikwytsa ezektsa nisipehaka. Niukurunahaze asa zuba ske buruk inapamykysokonaha. Susus ispe niy:

— Aty skaraba uta kahumo kytsa mytsaty mykaranaha — niy.

<sup>28</sup>Zinymyrykynahatsa ipe niah:

— Wastuhutsa ikia pe Suão Batista nihyrikosokdata ja mykaranaha. Mektsaktsa batu niah. Ata hi nihyrikosokdata Erias ja — mykaranaha. Ustsaktsa batu.

— Ikia taparakta Deus sohokotsa nahyrizikpota ja mykaranaha — niah.

<sup>29</sup>Sesus ispe niy:

— Ikiahatsa ja. Ahaokze ka aty skaraba uta ahahyrizikze ka tsimykaranaha — niy.

Peduru tih:

— Ikiakta Kiristu. Ikiakta Deus pehababata — niy. <sup>30</sup>— Ana tyka kytsa bo soso byitaha! — Sesus niy.

**Sesus tabezewy soho nitsasoko inahyrizikpo  
nahasoho niwatihi nitsasoko.**

<sup>31</sup> Iwaze Sesus hawa mohyrikosokda naha soho nitsaso, kytsa pibezenaha soho kino nitsaso. Nisihyrinymryky:

— Tapara utakta Deus zikpehata maku babata ahawata ikyzik. Sinini mykara Sudeutsa tapara taypyknahatsa kaharere bo yhŷhabyitsa ziknakaranaha. Taparaktsa ziknapamykysokonahatsa Deus wahoro kahumo batu siakparawy. Iwatahatsitsa kino niwatihi kaharere bo yhŷhabyitsa ziknakaranaha. Kytsa pikbezenaha. Petok puruze mynahyrizikpo — niy.

<sup>32</sup> Iwa nitsaso kytsa nisihyrinymryky, iharere amypubyri batu ihokdaha. Iwaze Peduru Sesus zioktyhyryk. Zibetsakak ipe niy:

— Iwa katy kaja sosobyty — niy. <sup>33</sup> Sesus uwok niyze zinymyrynahatsa bo iktsa niyze Peduru pe niy:

— Satanas nabo pâotykta — niy. — Ikia Deus harere bo yhŷhabyitahi tsimy, hawa kytsa mytsaty mykaranaha ana bo hi yhŷ tsimykara iwatahi Satanas wata tsimozik — niy, iwa zibetsakik.

<sup>34</sup> Iwaze Sesus kytsa sizubarêtsa bo nisihuahuaka. Zinymyrykynahatsa ahatsa nisihuahuazo. Sibo nipamykysoko.

Ispe niy: — Aty katukbabata mozihikik zeka atakta pibyituhukutu hawaha iakparawy zeka ana humo ka piwari. Kaharere bo zuba ma tsimykaranaha. Kytsa iharapatawyhyta bo iktsa mahaze maku pibezenaha sihyrinymryêtsa. Pibyituhukutu kawata tsimahaktsa! Tozeka ja ikiahatsa kawa tu sinini tsimykaranaha! Hawa sinini mykara nahe humo kawatu sinini tsimykaranaha hŷ. Ikiahatsa kahumo sinini tsimykaranaha zeka ana humo hi tykymynahaktsa kytsa!

<sup>35-36</sup> Aty tapokzitsi zuba zeka tahirizikararawy pihokda. Tanamy pihokzaba. Aty inamy ty tsizubarêna piakse zeka mohyrikosokdaze tsizubarêna mohokda. Ihyrizikararawy niwatihi mohokda. Aty tohi kahumo ispirikpo iwaze kytsa ity pibeze atahi Deus tuk tawahi mynapykyryk. Atahi kahumo tispirikporêta Deus wasania ty motsasoko atakta mohyrikosokdaze atahi Deus tuk tawahi mynapykyryk. <sup>37</sup>Katsa Deus tuk mywahi tsimynapykyry tsihikiknaha zeka Deus bo batu amy ty ibo nyny zikaha. Deus harere humo zuba yhŷ tsimykaranaha iwaze tawahi ituk mynapykyryk, isapyha ty mybo nyny my.

<sup>38</sup> Mektsaktsa kytsa simysapybyitsa tu nikaranaha, asaktsa abaktsa kytsa deusbyitsa humo yhŷ mykaranaha. Kahumo sisikpybyrêtsa. Kaharere humo kino niwatihi sisikpybyrêtsa. Utakta Deus zikpehata

maku wata ikyzik. Deus imysapyrēnikita izikwy tuk myziksizo. Bijoikpe iknyktsa Deus tsumuēhītsitsa kino niwatihi situk myziksizo. Myziksizoze, aty kahumo tisikpybyrēta zeka. Uta kino ihumo kasikpybyrēta. Aty kaharere humo tisikpybyrēta zeka. Uta kino iharere humo kasikpybyrēta Asaktsa batu katukytsa byitsawatsa — Sesus niy.

**9** <sup>1</sup>Kaharere wasani mykara. Deus hi ityryktsa mynasipehaka. Kytса abazubaha mynasipeha. Wastuhu ahatuk kytса ana bo hi iktsa maha. Deus ahapehakatsa mozik ana bo hi iktsa maha. Bykyzehu zuba mohyrikosokdanaha.

### Moises Erias iwatsa Sesus bo inatakahanaha.

<sup>2</sup>Kyze mytsyhyrytsa wa zurunahaze Sesus hara bo jobonita bo kytса nisiocktyhyryk. Peduru Tsiaku Suāo iwatsa nisiocktyhyryk. Asa zuba, utsaktsa nitarenaha. Sibaze meky watu itahyrrity. <sup>3</sup>Tisukbarazarēta niyzik. Katsaktsa ibarazabaharēta batu myny h̄y. Ibaze kytса petoktsa natakahanaha. <sup>4</sup>Erias, Moises ahatsa, tubabatu nihyrikosokdanahatsa tu, ituk nipamykysokonaha. <sup>5</sup>Iwaze Peduru:

— O myhyrinmyrytsa, wastsa wyzik tykara eze harakykbyihi ahaparik tazi. Estuba ikia bo, estuba Moises bo, estuba Erias bo iwa — niy.

<sup>6</sup>Tsipybyrēta tu amy ty ja nipamykysoko batu inymyryhy. Sipybyrētsa tu nikaranaha. <sup>7</sup>Iwaze bijo satata inasiharasuk. Bijo satata eze nihokdanaha. Deus iaksoho ziwabynaha. Atahi ispe niy:

— Atakta katse babata, ihumo ka kamypokzitsiarēta uta iwatawyta. Mytsasoze tsiwabytoktonahaktsa! — niy.

<sup>8</sup>Nitsasobaze atsoko Sesus atazuba nitare. Paikpa iktsa nikaranaha. Sesus bo zuba nikozonaha.

<sup>9</sup>Bykyze hara jobonita ekze inasikzonahaze Sesus:

— O jabasani tsinytaha ty kaja kytса bo ka soso byitaha! Uta Deus zikpehata ahawata ikyzik mohyrikosokdaze mynahyrizikpoze ana zuba kytса bo tsimypamykysonaha — niy. <sup>10</sup>Yh̄y niahа. — Amy skaraba inahyrizikpo — mytsaty nikaranaha. Sihyrinmyrybyitsa nikaranaha, iwaze asa zuba nipamykysokonaha. <sup>11</sup>Iwaze ipe niahа:

— Amo humo sa Moises harere mymyhyrinmyrykynahatsa hi “Tapara Erias myzikso”. Amo skaraba iharere mymywatawy — niahа.

<sup>12</sup>— Wasani my. Tapara Erias mozumuze atsatu ezytyk pikymye. Kytса Deus humo sispirikporētsa mytsaty mykaranaha. Tubabatu utakta Deus zikpehata ahawata ikyzik kasoho hi ziwatahanaha. “Atakta sinini mykara. Ihumo mymyijakanaha, ihumo batu siakparawy. Iharere bo batu yh̄habyitsa ziknakaranaha”. <sup>13</sup>Hawa sa ziwatahanaha Erias soho atsatuty nikaranaha. Erias hyritywata botu izumu. Isukyrytsitsa zimyijakanaha zibenzenaha. Amy ty tubabatu ziwatahanaha atsatu nikaranaha — niy.

**Sesus jypykyhyzytykta hyrikoso sapybara ibo  
pororo ziknakarata iwatahi zizororowy.**

<sup>14</sup>Kyze Sesus tuktsa ustsa zinymyrykynahatsa bo zumunahaze kytса sizubar tsa sipauk baze iktsa niaha. Sudeutsa sopykwy humo sihyrinymyr tsa zinymyrykynahatsa tuk nahapepehakanaha. <sup>15</sup>Kytsa sizubar tsa Sesus bo iktsa niahaze sipybyr tsa nikaranaha ibo inatururukiknaha. Iwaze ipe:

— Tsikzumu — nikaranaha. Yh y ikzumu Sesus niy.

<sup>16</sup>— Hawa hatsa sa zinymyrykynahatsa tuk tsimyharape pehakanaha — niy.

<sup>17</sup>Estuba maku tihi:

— O myhyrinymyrykystsа, katse ziocktyhyryk. Hyrikoso sapybara ibo pororo ziknakara iwatahi iharerebyita iharawita niwatihi. <sup>18</sup>Myzumuze wytyk bo naraha narahaha, isake soroporo, tatsaputy dy nikara itsipa ziboro. Iwaze zinymyrykynahatsa pe iky:

— Hyrikoso isapybara katse bo pororo ziknakara ata kino tsiksiwyhiknahaktsa kytса. Ipe nabo p oty tsimaha iky.

Zinymyrykynahatsa batu zikaha — niy.

<sup>19</sup>Iwaze Sesus ispe niy:

— Ikiyahatsa Deus humo batu ahspirikpo, Deus humo ahspirikpo byizeka iwatsa tu ahatuk mynapkyryk. Jypykyhyzytykta kabotyzioktyhyk! — niy.

<sup>20</sup>Iwatsahi jypykyhyzytykta Sesus bo zioktyhyryknaha. Hyrikoso sapybara Sesus bo iktsa niyze jypykyhyzytykta wytyk bo zirahawy opykani nitydydyky niy. Jypykyhyzytykta wytyk buruk paikpa neparakak weze weze nikara. Isake soroporo zipoko.

<sup>21</sup>Sesus izo pe niy:

— Hawaze sa atse niwa niu — niy:

— Jabaseze tu niwa niu — niy. <sup>22</sup>— Hyrikoso sapybara pibeze tsihikik. Hyrikoso sapybara humo pihik bo piharazukik izo bo pioktsokik. Iwa pibeze tsihikik — izo niy. — O tymtsumu h kt! Azikwykyta zeka tymtsumu h kt! Myhumo amypokzitsiakta! — niy.

<sup>23</sup>— Hawa sa tsimy “azikwykyta zeka”. Yh y ikyba. Aty Deus humo ispirikpo zeka kazikwy humo ziky — Sesus niy. <sup>24</sup>Atsoko jypykyhyzytyktazo kakaik niy, Sesus pe niy:

— O ahumo kaspirikpor tsa tsikaeni zuba. Tsipiktsumu h  zeka ahumo mospirikpotohi kaspirikpor tsa babata mozik — niy.

<sup>25</sup>Kytsa sizubar tsa harape baze ziknapkykyknahaze Sesus ihyrikoso sapybara pe niy:

— O hyrikoso sapybara aharawita aharerebyita kino niwatihi nabo p oty. Awahi p oty. Erete eretebyijaty — niy. Iwa ihyrikoso sapybara zipehahik.

<sup>26</sup>Iwaze ihyrikoso sapybara kakaik niy. Jypykyhyzytykta nitydydykyk tu. Iwa niparak. Jypykyhyzytykta nirata hyrity wata niyzuknihikare niy. Iwaze kytса tihi:

— O atakta botu nihyrikosokda — nikaranaha. <sup>27</sup>Sesus jypykyhyzytykta tsyhrype humo paik niy. Zitsumuēhikі ity kyik niy. Tsakurēta niyzikzo.

<sup>28</sup>Iwaze Sesus wahoro bo paku niy. Asazubaze zinymyrykynahatsa ipe niahа:

— Amo skaraba katsa ihyrikoso sapybara ty batu tyiksiwyhik batu zikaha — niahа.

<sup>29</sup>— Deus bo pamkyso byizeka ihyrikoso sapybara tawata ba ziksiwynaha — Sesus niy. Iwa h̄y.

**Sesus tasukmozawy soho tahyrizikpowy  
humo kino niwatihi nitsasokozo.**

<sup>30</sup>Kyze niukurunahaze, Sesus nisihyrinymyryky. Haneze niy kytса batu sihyrinymyry anahi ziny tsihikik. Karareu buruk niukurunahaze zinymyrykynahatsa zuba nisihyrinymyryky. <sup>31</sup>Sesus:

— O aibani kasukyrytsitsa pikbezenaha. Pikbezenahaze petok puruze mynahyrizikpo — niy.

<sup>32</sup>Zinymyrykynahatsa asa zuba:

— O amy skaraba “mynahyrizikpo” — mytsaty nikaranaha. Zinymyrykynahatsa tahasikpybyspyk tu batu ity peha.

— Aty sa myhyrizikwanita mozik Deus tyryktsa tuk — nikaranaha.

<sup>33-34</sup>Kyze zinymyrykynahatsa Sesus hapik ske buruk niukurunaha. Asa zuba nipamyksokonaha. Kytса tihi:

— Utakta mypehatsa wata. Ahazubarētsa tyziktsumuēhīnaha! Usta:

“O batu, utazakta! batu, utazakta!” — nikaranaha. Kyze Kaparanaū bo zumunahaze, Sesus ispe niy:

— O kytса hawa skaraba tsiktsasokonaha. Ske buruk tsikukurunahaze hawaha tsiktsasokonaha — niy. Tahasikpybyspyk. Batu harere. Batu yh̄y.

<sup>35</sup>Iwaze Sesus itadyhyze:

— Kapauk baze dyhy dyhytaha! Tsipiwabynaha. Ikiahatsa:

“Utakta mypehatsa wata sizubarētsa moziktsumuēhīnaha” tsikykarannahaze, Deus kino myha batu. Deus tihi:

“Aty sa tatukytsa mysitsumuēhīekik, atahi mypehatsa wata. Atahi katyryktsa tukta myhyrizikwanita my” niy. Hȳy nikaranaha. Hawa sizotsa mozihikhnaha siharere humo astsa tu nikaranaha iwa Deus harere bo hȳy tsimykarannahaze zeka iwaze Deus tyryktsa tsimozikhnaha. Iwa ahabyi zeka batu Deus tyryktsa tsimozikhnaha — niy.

<sup>36</sup>Iwaze Sesus jabasitatsa tsibik tahatazaha eze tyrikto niy. Ziharapykze sibo ziwatowyky: <sup>37</sup>Sesus:

— O jabyitsa humo ahamypokzitsiukrētsa zeka, niwaha humo ka kakurēta. Ikiyahatsa kahyrytsa watsa. Jabyitsa humo ahamypokzitsiukrētsa zeka kahumo niwatihi ahamypokzitsiukrētsa. Iwaze ikiyahatsa humo kakurēta zeka Deus kino niwatihi. Atahi mybarawy bo zikpeha — ispe niy.

### **Asaktsa mybo batu sisakanibyitsa mytuktsa moziknaha.**

<sup>38</sup> Kyze Suão Sesus bo nipamykysoko:

— O myhyrinymyrykytsa maku tsinynaha hyrikoso sapybara nisiksiwyhik azikwy humo. Atakta katsa mytukbyita tu iwatsahize katsa ipe:

“Batu tihikta! Ikiakta mytyrykbyita tsimy” — tsikaha.


<sup>39</sup> Sesus:

— O batu. Ahasopyksapybyritsa tsimykaranaha. Aty tohi amy ty kytsa batu zik kahumo my zeka atakta kaokzeka pisapywyky. <sup>40</sup> Kahumo tsakurēta mozik. Asaktsa myhumo sisakanibyitsa mytukytsa moziknaha. <sup>41</sup> Kaharere wasani hŷ tsiwabytoktokonaha. Aty pihik ty ababo nyny my zeka ikiyahatsa Kiristu tuktsa humo atakta isapyha ty ibo nyny my — niy.

### **Imysapybara ty pimoewy zeka iwaze hi Deus piokzo.**

<sup>42</sup> Sesus nisihyrinymyrykyzo. Kytsa jabyitsa bo nisiaknikinaha soho Sesus ispe niy:

— Aty harahare ty  
pisoïkahiknaha zeka iwaze pihik  
maporik bo nipapykik iwaze  
moharazukik ana humo batu  
isapy. Atakta jabyitsa kahumo  
tispirkporēta tu zeka zimyiwyky  
ana humo batu imysapy. Atakta  
imysapybyrēnikita babata.



(Marakos 9.42)

<sup>43-44</sup> Atsyhyrype ahumo isapybyri

zeka, atsyhyrype ty iykzykikty. Deus sapy bo tsimytsukze atsyhyrype estuba zuba zeka wasani. Sinini ykarawy bo zeka atsyhyrypetsa petok zeka wasanibara bo tsipasapy. Sinini ykarawy anaeze izo ba zikbe. Anaeze winuputsa tahawahi mynapykyryknaha.

<sup>45-46</sup> Apyry humo isapybyri zeka apyry ty iykzykikty. Deus sapy bo tsimytsukze apyry estuba zuba zeka wasani. Sinini ykarawy bo zeka apyrytsa petok zeka wasanibara bo tsipasapy.

<sup>47</sup> Ahyrizik humo isapybyi zeka ahyrizik ty hyrykokik ty. Deus sapy bo tsimytsukze ahyrizik estuba zuba zeka wasani. Sinini ykarawy bo zeka ahyriziktsa petoktsa zeka wasanibara bo tsipasapy. <sup>48</sup> Sinini ykarawy eze ka izo ba zikbe. Anaeze winuputsa tahawahi mynapykyryknaha.

Sinini mynakaranaha. Anaeze tsizubarēna batu mysapy, kytsa tawahi mynapykyryknaha. Iwatsahi mysapybaraka tamoewyhik.

<sup>49</sup>Hawa katsa poro siraratsani kykywy iwazeka ba ziktaħōrō anahyrrity wa ha Deus mymymsininiwy iwaze imysapybaraka tsimoewynaha. <sup>50</sup>Poro tisapyrēna. Poro morŷk byizeka ba zik tsakykyzonaha. Poro iōrŷkbara wytyk humo batu sapy mozik mymaiwy. Poro mydisahawy tsakykyha wasani my. Iwa hyrity wa ha ahamysapyhuktsa kytsa! — niy. Tynaharape pokzitsikinaha.

**Sesus myokeza moewy soho humo nisihyrinymyryky.**

**10** <sup>1</sup>Iwaze Jesus neparak. Sudeja bo. Sorodāo buburu zitsikza.

Iwaze myzubaha ibo inakypykyknaha nisihyrinymyrykyzo.

<sup>2</sup>Pariseutsa zukzuk niaha. Izumunahaze ibo nipamykysokonaha. Asatu niharapepehakanahatsa tu iharere zimyi tsihikiknaha. Ipe niaha:

— Hawa sa wasani maku taoke pimoewyhik zeka Moises harere bo ja batu yh̄y ha — niaha.

<sup>3</sup>Sesus:

— Amo taparakta Moises harere botu zahapehaka — niy.

<sup>4</sup>Moises tihi:

— Maku taoke pimoewy tsihik zeka tapara papeu atatsa soho piwataha iwaze atatsa pāoty zikaha my. “Ikia hi batu kaokebyitatsa” piwatahaka — niaha. Iwa kytsa siokeza siakparawy byizeka ziknakaranaha. Aokzeka ja wasani nikaranaha.

<sup>5</sup>Sesus ispe niy:

— Ikiahatsa Deus harere bo yh̄y ahabyitsa tsikykaranaha. Iwatsa tu Moises ahaharere bo yh̄y niy. Deus harere bo ahawabytoktobyitsa tu tsimykaranaha iwaze Moises ahaharere bo yh̄y niy. <sup>6</sup>Tapara Deus mybarawy nizuknize iwaze maku wytyk ahatsa niwatihi nisisukni. Petoktsa nisisukni. <sup>7-8</sup>Iwatsahi kytsa tahazotsa bara botu tahasapynaha tahaokeza tuk zuba tahasapynaha. Isukzata batu ata zuba mozuru harapetok mozurukunaha. <sup>9</sup>Iwatahi Deus maku ibarikta nizukni atatsa ioke nizukni niwatihi Deus okzeka estuba zubata wata iwatahi ba zikaharapemoewynaha. Iwa zeka batu imysapy — niy.

<sup>10</sup>Iwaze Jesus tuk zinymyrykynahatsa wahoro bo pakuzo niaha. Asa tihi:

— Amy ty sa nisihyrinymyryky — niaha. <sup>11</sup>Iwaze Jesus ispe niy:

— Maku taoke moewyky zeka mektatса tu piakse zeka batu imysapy my. Taoke humo batu imysapy my. <sup>12</sup>Iwa wytyk atatsa kino tabarikta moewyky zeka mekta tu piakse zeka. Atatsa imysapybyitatsa. Tabarikta humo batu imysapy — niy. Nawa Jesus sibo nipamykysoko.

**Sesus jabyitsa tuk.**

<sup>13</sup>Kyze wastuhu sizotsa tahahyrytsa Jesus bo nisioktykyryknaha.

— O Sesus myhyrytsa ty paik tsimy zeka sakurētsa tsimoziknaha — niahia. Zinymyrykynahatsa sihumo sisakparētsa iwatsahi batu ibo zuk.

— O nabo tsiksizonahaktsa! — niahia. <sup>14</sup>Sesus ziwabyze takyriki. Sesus:

— “O nabo tsiksizonahaktsa!” soso byitaha! Jabyitsa uta kabo tynasioktyhyknahaktsa! Deus tyryktsa jabyitsa watsa. <sup>15</sup>Jabyitsa kino isapyha ty isty nyny my zeka sakurētsa moziknaha; yh̄y sisopyk. Jabyitsa watsa zeka Deus pe: yh̄y tsimaha. Deus pe: yh̄y aha byizeka ityryktsabyitsa tu tsimaha — niy.

<sup>16</sup>Sesus sihyrytsa nisibykyk, siwatu isty paik niyze. Deus pe:

— O kazō sihyrytsa tynasipokzitsikta — niy.

### Maku tsinamyrēta Sesus bo izumu.

<sup>17</sup>Kyze Sesus ziokpykyze iwaze niukuru maku tsinamyrēta ibo izumu. Izumuze Sesus okeryk taekaratsa humo puruk puruk niy. O Sesus tsimysapyrēta humo ka iwaze puruk puruk niy. Ipe niy:

— O myhrinymyrykytsa ikia hi tsamysapyrēta. Hawa sa mykara, iwatahi uta mohyrikosokdaze Deus tuk kawahи mynapkyryk — niy.

<sup>18</sup>Sesus:

— Amo skaraba ikia kape tsiky “tsimysapyrēta”. Deus zuba tsimysapyrēta koikny baktatu tsimysapyrēta. <sup>19</sup>Deus harere tsinymyryky. Mektsa okeza ba zikspiryrynah. Ba zikahapebezenaha. Usta namy ty hyryk hyryk byitaha. Ba zikspihikbatanaha. Ba zik mybarapetu tsimaha. Azotsa humo awatu ty amypokzitsuhukta! Deus harere bo yh̄y tsimy zeka iwaze Deus tuk tawahi tsimynapkyryk — niy.

<sup>20</sup>Inamynikita ipe niy:

— O myhrinymyrykytsa jabasize tu aharere humo wasani ziknakara — niy.

<sup>21</sup>Iwaze Sesus ibo iktsaziu niy. Ihumo tsimypokztsiarēta. Ipe niyzo:

— Ikia aba estubaha ty tsimy. Tspiksi anamy huak ty okyrysaro ty. Iwaze sinamybyitsa bo okyrysaro ty nynybaik tsimy. Iwaze hi anamy baba ty Deus sapy eze tu tsimy. Anamy baba ty mopykyryk. Bykyze pany! Kapik tynao — niy.

<sup>22</sup>Inamynikita ana ziwabyze iakubyri tisukatsihikrēta. Tsinamyrēta hi tanamy pokzi tsiwy tuk batu yh̄y niy iwatahi batu iaku. Sesus ekze neparak tisukatsihikrēta. <sup>23</sup>Iwaze Sesus zinymyrykynahatsa bo iktsa niy. Ispe niy:

— Sinamyrētsa Deus tyryktsa moziknaha tsihokdaharēna. Tahanamy bo zuba mytsaty mynakaranaha.

<sup>24</sup>Zinymyrykynahatsa iharere humo nipybybaiknaha. Sesus nitsasokozo:

— O kytsa katukytsa watsa hawa Deus tyryktsa moziknaha tsihokdaharēna h̄y Deus harere bo yh̄y ahabyitsa iwatsahi ba Deus

tyryktsa zikyziknaha. <sup>25</sup>Tsihokdaharēna siraratsa kamero inarokota mysukwowowy ispioke buruk mytsuk. Tsinamyrēta Deus tyryk mozik tsihokdaharēna hŷ batu zik — niy.

<sup>26</sup>Ana humo ziwabykynahaze sipybyrētsa asa zuba nipamykysokonaha.

— Aty skaraba Deus tyryktsa moziknaha — nikaranaha.

<sup>27</sup>Sesus sibo iktsaziu niy. Ispe niy:

— Kytsa tuka batu zikaha. Deus humo ka batu amy tohi ihokdaha.

<sup>28</sup>Peduru ipe niy:

— Niwazuba! Katsaktsa mybo ka iktsa tykta, mynamy mywahoro eze niwatih i tsizubarēna tsikzereba knaha iwaze ikia tuk tsimymysapynaha — niy.

<sup>29</sup>Sesus:

— Kaharere wasani my. Wabyziutaha! Aty tawahoro perek zeka katukta mozik, atakta Deus wasaniha humo tispirikporēta mozik. Atahi abaka sē sizubarētsa wahoro ty nyny mykara, ana wata aty tatukytsa myserekek zeka, taziky, tatsy, taje, tazo, tahyrytsa tatsuhuk iwa myserekba zeka ustsa itukytsa Deus ibo nyny my. Sē itukytsa sizubarētsa hŷ.

<sup>30</sup>Abaka ustsa ziky, itsy, ije, izo, ihyrytsa, itsuhuk sē sizubarētsa ty iwa ibo nyny mykara. Ustsa pisapybyriki. Kyze atakta mohyrikosokdaze Deus baze tawahi mynapykyryk. <sup>31</sup>Sizubarētsa tihi: “O katsaktsa myhyrizikwanitsa tsa watsa tsimoziknaha” mybarapetu nikaranaha. Asaktsa siapiktsa zuba moziknaha. Abaka sizubarētsa siapiktsa maha asahi sihyrizikwanitsa watsa moziknaha — Jesus niy.

### **Sesus tabezewy soho nitsasokozo tahyrizikpowy soho niwatih i nitsasokozo.**

<sup>32</sup>Kyze Serusarēhe bo niukurunahaze Jesus siharaze niukuru. Zinymyrykynahatsa i humo mytsaty nikaranaha. Ustsa kytsa siapik niukurunaha sipybyrētsa nikaranaha. Iwaze Jesus tuk zinymyrykynahatsa bo nipamykysokozo, hawa sa i humo my.

<sup>33</sup>— Wabyziutaha aba katsa Serusarēhe bo tsikukurunaha. Uta Deus zikpehata ahawata ikyzik Serusarēhe bo mokuru. Nakpo zukzuk tsimahaze kytsa taparaktsa Deus wahoro eze ziknapamykysonahatsa, Moises harere ty nishyrynymyrynahatsa iwatsa kasukyrytsitsa bo pikokthyryknaha. Pikspihikbatanaha. “Atakta Deus okzeka batu mysapy mykara, katsa kino niwatih atakta batu mysapy mytsaty tsimykaranaha” motsasonaha. Bipyritsa bo pikokthyryknaha. <sup>34</sup>Pikuezozokoknaha. Pikikinaha. Pikbezenaha. Iwaze petok puruze mynahyrizikpo. Utakta Deus zikpehata, ahawata ikyzik pikbezenaha — Jesus niy.

### **Tsiaku itsy Suão ahatsa Jesus bo nizapykykynaha.**

<sup>35</sup>Kyze Tsiaku itsy Suão niwatih Jesus bo izumunaha. Asa hi Sebedeu hyrytsa niahah. Jesus pe niahah:

— O myhyriny myrykytsa abo tsimyzapykykynaha zeka atsatu mybo yh̄y tsimy — niaha.

<sup>36</sup>— Amy sa tsimyzihikiknaha — niy.

<sup>37</sup>— Ikia aparakbaha abazubata tsimozikze katsaktsa abaze dyhy dyhy tsimaha. Estuba apanuryk taba dyhy my. Usta apawazo taba dyhy my — niaha.

<sup>38</sup>— Amy sa tsimyzapykykynaha batu ahahyrinymyry. Tozeka ja sinini tsimaha kawata ja. Pikbezenahaze ikiahatsa ja. Kawata pahabezenaha zeka ana kino ahapunihiku ja.

<sup>39</sup>Yh̄y niaha.

Iwaze Jesus ispe niy:

— Sinini tsimaha kawata h̄y. Pahabezenaha kawata pikbezenaha h̄y.

<sup>40</sup>Aty kabaze dyhy my ba ziktsaso. Aty kapanuryk taba dyhy my. Aty kapawazo taba dyhy my ba ziktsaso. Deus botu nisiwatawy utakta batu — Sesus niy.

<sup>41</sup>Ustsa zinymyrykynahatsa Tsiaku Suão ahatsa harere ziwabynahaze taokanikinaha. <sup>42</sup>Iwatahi Jesus tabo inasipehaze ispe niy:

— Bipyritsa pehatsa kytsa sizubarëtsa mysipehakanaha. Katsa abazubatsa mytsaty ahabyitsa mykaranaha. Kytsa ziknasipehaikiknaha. Ana tyhi ahahyrinymyrtsa. <sup>43</sup>Ikiahatsa ahatuk batu. Aty mysipeha tsihikik atahi sizubarëtsa mysitsumuëhí. <sup>44</sup>Aty myhyrizikwanita mozihikik ahatuk sizubarëtsa mysitsumuëhíkí.

<sup>45</sup>Utakta Deus zikpehata ahawata ikyzik. Mybarawy bo inasikze myzubaha mysitsumuëhí. Myzubaha humo ba katsumuëhíhuk kytsa katy ba ziksumuëhínaha ana bo ka batu zuk. Izkumuze mybarawy ezektsa sisapzyzeky mohyrikosokda iwatsahi asaktsa Deus tuk tahawahi mynapykyryknaha. Kabezewy humo kytsa simysapyrëtsa moziknaha ana bo hi iksumu — niy.

### Sesus ihyrizikubyita zizororowy.

<sup>46</sup>Kyze Baratimeu ihyrizikubyita zizororowy. Jesus zinymyrykynahatsa tuk Serikoho bo niukurunaha. Kyze Serikoho zipokonahaze kytsa sizubarëtsa siapik niukurunaha. Ihryrizikubyrita Baratimeu Timeu tse Serikoho ske sak eze nidhyhyky. Ba zikozo batu amy tohi humo ziky. Kytsa ziharamunahaze sakpyri zuba ziwaby.

— O kaboja, kaboja! — nikara. Kytsa okyrysaro ty ibo nyny niaha. Siske eze nidhyhyky. Kytsa Baratimeu pe:

— Jesus Nasare ezekta mozumu — niaha. <sup>47</sup>Iwaze Jesus ibaze Baratimeu kaka niy:

— O aidytykta Jesus! Tyziksumuëhíkta! O Jesus ikia mydiri Dawi tse kahumo amypokzitsiukta — kaka niy.

<sup>48</sup>Kytsa zibetsakaknaha:

- O aksobyitykta! — niaha. Tybyi zuba niy:  
 — O tyziktsumuēhīkta kahumo amypokzitsiukta, Sesus! — kakazo niy.  
<sup>49</sup>Sesus itarikto:  
 — Pany! Uta kabo tyzioktyhyknaha! — niy. Kytsa ihyrizikubyita  
 zihuahuahiknaha:  
 — O apybybyihukta! Riktotykta! Sesus pahuahuaka — niaha.  
<sup>50</sup>Atsoko itarikto. Tasuk izezerēnikita zibokikare. Sesus bo niparak.  
<sup>51</sup>Sesus:  
 — Amo skaraba hawa sa my — niy.  
 — O myhyriny myrykytsa ba zikozo. Kahyriziktsa tysizororowykta! — niy.  
<sup>52</sup>Sesus:  
 — Ikia kahumo aspirikporēta. Iwatahi pazororowy — niy.  
 Iwaze nihyriziktsa nisizororowy nikozozo. Sesus hapik niukuru.



(Marakos 10.50)

**Sesus Serusarēhe bo zumuku.**

**11** <sup>1</sup>Kyze Sesus tuk zinymyrykynahatsa Serusarēhe bo niukurunaha. Betepake Betanija baze na hara jobonikita Oriwereja inarokota baze anaese Sesus tatuktsa petoktsa nisipeha:

— Nabo pāotaha kytsa. Atsezubaha myharaze tsimypupunahaze pikuza tsibik tsipipiktumunaha. Ata bo hi isoikāihita tsipinynaha, batu aty tohi ibete dyhy. Satsukyktaha! Kabo tyzioktyhyknaha! <sup>3</sup>Ustsa kytsa:

“Hawa sa tsimykaranaha” maha zeka, “Mypehakatsa mype niy kabotyzioktyhyknaha” tsimaha! “Bykyze ababo tasirezo” tsimahakta! — niy.

Yhŷ niaha.

<sup>4</sup>Iwaze niukurunahaze, pikuza ske eze zinynaha hokbowy bazezikahanaha. Isoik ihaîhita bo zisatsukyknaha. <sup>5</sup>Ustsa kytsa sibaze tutsa:

— Hawa sa tsimykaranaha. Hawa hatsa sa pikuza tsipisatsukykyknaha — niaha.

<sup>6</sup>— O mypehakatsa tihi mype niy pikuza tsibik kabotyzioktyhyknaha. Bykyze ababo tasirezo — niaha.

— Yhŷ. Tsioktyhyryknahaktsa! — niaha. <sup>7</sup>Sesus bo pikuza ziocktyhyryknaha. Tahasuk pikuza bete zizozokonaha. Sesus ibete niukuru.

<sup>8</sup>Iwaze ustsa kytsa kino niwatihi tahakpyzazawy ske buruk zipaparakanaha. Tsarakzapatsa jerukbara ezektsa ty bokok bokok ky niaha ana humo kino niwatihi ske buruk nisipaparakanaha. Iwa tsimykaranaha Sesus tsimysapyrēta humo asazuba nipamykysokonaha <sup>9</sup>Sizubarētsa Sesus haraze, kytsa iapik kino niwatihi niukurunaha, myzubaha zihuahuakanaha.

— Sesus Deus baze niapykyk, mywata niyzik.

Deus bazekta tu, katsa mybo izumu. Deus mybarawy bo zipeha. Atakta tsimysapyrēta.

<sup>10</sup>Taparakta Dawi mydiri wata “O Deus ibo zisapywy iwatsahi mykurētsa!”

Ata humo Deus tyryktsa tsimoziknaha. Atahi wasani mynakara. “O ihumo mykurētsa hŷ” — nikaranaha.

<sup>11</sup>Iwaze Sesus Serusarēhe bo niukuru. Deus wahoro zubata bo nitsuk. Paikpa kytsa bo iksa nikara. Zunubakaze, Betanija zinymyrykynahatsa tuk ziksizonaha.

**Sesus umaha soho humo nisihyrinymyryky.**

<sup>12</sup>Sesus estuba zuruze zinymyrykynahatsa tuk Serusarēhe bo ziksizonaha. Niukurunahaze irapa izumu. <sup>13</sup>Ērykani umaha bo iksa niaha. Tisarozubarēta niy. Iwaze Sesus umaha bo nakpo zuk niyze iharabyita botu zuk niy. Ihara ziberiki. Isaro zuba. Batu iharaka. Aibani zuba tahara. <sup>14</sup>Iwatahi umaha pe niy:

— Niwazuba! Aharahokbita ba aty tohi ahara zezukzo — niy.  
Ana humo hi zinymyrykynahatsa ziwabynaha.

### **Sesus Deus wahoro zubata isturupe bo nitsuk.**

<sup>15</sup>Kyze Jesus tuk zinymyrykynahatsa Serusarēhe bo niahā. Deus wahoro zubata isturupeze bo nitsuk. Kytsa asaktsa myraratsa ty ziknasihuakaknaha okyrysaro humo. Ustsaktsa bipyri okyrysaro humo Sudeutsa okyrysaro ty ziknasihuakaknaha. Iwaze Jesus sizubarētsa nisiksiwykik. Atsoko nitururuuknaha. Asaktsa okyrysaro ty nisihuakaknaha sidsishawyzozokorowy nisitsihipetotokbaik. Asaktsa amyitudutsa nisihuakaknaha sidyhywytsa nisitsihipetotokbaik. <sup>16</sup>Sesus ispe niy:

— Batu amy tohi Deus wahoro zubata isturupeze sinamy ba zisikta batu skeke — niy. <sup>17</sup>Iwaze nisihyrinymyryky.

— Deus harere tubabatu ziwataha tihi:

“Kawahoro zubata haneze nanabyitabaktsa myzubaha kabō mynapamykysokonaha” ziwataha. Ikiahatsa kawahoro sitsyhryboarētsa wahoro tsimyzapyhuaknaha — niy.

<sup>18</sup>Taparaktsa ziknapamykysokonahatsa, asaktsa Sudeutsa sopykwy zikziwatahakanahatsitsa kino niwatihi iharere ziwabykynaha. Ana kino ziwabynahaze pibeze tsihikiknaha. Ipokso sipybyrētsa. Myzubaha Jesus harere bo yh̄ mykaranaha ihumo sispirikporētsa iwatsahi ipokso sipybyrētsa. Isukyrytsitsa tu pibeze tsihikiknaha myzubaha pokso tsawyzik batu zikaha.

<sup>19</sup>Zunubakaze Jesus zinymyrykynahatsa tuk niparakzo. Betanija bo ziksizonaha.

### **Umaha niharapara tasoho.**

<sup>20</sup>Byri zokorobyitu niukuruzonahaze umaha bo iktsa niahā. Iharatatsa niharaparabaiknaha. <sup>21</sup>Nezeba Jesus nipamykysoko ana bo hi Peduru mytsaty nikara iwaze ipe niy:

— O myhyrinymyrykytsa iktsa tykta! Umaha ikia tsikykarata niharapara — niy.

<sup>22</sup>Sesus:

— Deus humo ahaspirikporētsaktsa! <sup>23</sup>Kaharere wasani my. Wabyziutaha! Hara jobonita bo tsipepehanaha zeka “Nabo pāoty buburu zuba bokta”. Nawa tihi my. Ba mytsaty tsimaha “O buburu zuba bo ja, batu yh̄ ja” tsimaha. Ahaharere humo buburu zuba bo my. Deus humo tsimyspirikponaha zeka hawa ha sa tsimyzapykykynaha atsatu ahabo nyny my.

<sup>24</sup>Hawa ha ty Deus bo tsimyzapykykynaha zeka ana humo hi Deus ahabo nyny my, iwa tsimaha zeka ihumo tsimyspirikponaha. Nawaze ahabo nyny my h̄y.

<sup>25</sup> Deus bo tsimypamykysokonahaze kytса humo batu ahakyri. Ikia tsipakyriki zeka ustsa simysapybaratsa humo aha bo mahaze ana humo ka tyspiriktsokdakta iwatsa tu tysiokzohik tsimaha. Simysapybyitsa tu nikaranaha tsimysiokzohik zeka myzo bijoikpe ezekta ahamysapybyi humo pahaokzohik.

<sup>26</sup> Ikiyahatsa kytса simysapybyitsa bo mytsaty tsimykaranaha zeka myzo bijoikpe ezekta kino ahamysapybyi humo ba zikspiriktsokda ba zahaokzohik — Sesus niy.

**Aty harere humo Sesus kytса mysipeha. Aty sa ipe: — Natihiktsa — my.**

<sup>27</sup>Kyze Serusarēhe bo niukuruzonaha. Sesus Deus wahoro zubata eze zitabakaze taparaktsa Deus wahoro ziknapamykysokonahatsitsa, Sudeutsa sopykwы zikziwatahakanahatsitsa, taparaktsa Sudeutsa kapitāotsa nisipeha iwatsa ibo zumunaha. <sup>28-30</sup>Ipe niahа:

— Aty sa ikia pe Deus wahoro zubata kytса tysiksiyhik! Katsyhyryze tarabajakta! tsimykara. Aty sa zapeha — niahа. Batu ihumo siakparawы iwatsahi ibo nipamykysokonaha. Iwaze Sesus ispe niy:

— Aty sa Suão Batista pe: “Kytса tysiharasusukta” niy. Aty sa Suão Batista zipeha. Tozeka ja Deus ipe niy. Tozeka ja kytса ipe niahа. Aty sa kabo tsimysasokonaha — Sesus niy. — Ana hi kabo tsimysasonahaze uta kino ahape my. Aty kape:

“Tarabajakta iwa tihikta” my — niy.

<sup>31</sup>Iwaze taparaktsa kapitaōtsa asa zuba nipamykysokonaha.

— Hawa sa tsimaha Deus ipe niy zeka kytса tysiharasusukta tsimaha zeka iwaze Sesus mype:

“Amy skaraba Suão humo ahaspirikpobyitsa tsimaha” — my.

<sup>32</sup>— Katsa batu tyso “Kytса ipe tysiharasukta”. Myzubaha Suão Deus sohokotsa babata humo ka sispirikporētsa iwatsahi kytса pokso batu tyso, kytса ipe tysiharasukukta batu tyso — nikaranaha.

— Iwaze ipe niahа:

— Suão Batista soho humo batu myhyriny myry — niahа.

Iwaze Sesus ispe niy:

— Uta kino ahabo ba ziktsaso aty kape:

“Tarabajakta” — niy.

**Duabohotsa perytsitsa sisopyksapybyiktsa soho humo nitsasoko.**

**12** <sup>1</sup>Iwaze Sesus myzubaha bo nipamykysokozo. Waratok humo nikaranahatsitsa soho nitsasoko iwa nisihyryny myryky. Atahi:

— Maku estuba duabohotsa nisiparikik. Nisiparikikze jokarawytsa ty okehry okehry niy. Ihoke ziuku anaeze kytса duabohotsa tsik nisipyryrikhnaha. Iwaze tsihitsa jo bo isparik ziziki anaeze ziperykykta duabohotsa nisisukparaka. Waratok tsihitsa nipayrakze kytса pe: “Utakta

mu. Nokponi mokuru. Ikiahatsa duabohotsa tysiperynaha! Tsapukte buruk kaperytsa humo duabohotsa ty ababo nyny my” niy. Yh̄ niaha. Iwaze tsihitsa meky botu itasapy.

<sup>2</sup>Kyze duabohotsa nijakuknahaze tsihitsa tatsumuēh̄itsa pe: “Tupaktsa! Iperysitsa bo tsimy. Abaka duabohotsa nakymynaha, siperytsitsa mysizzykyknaha. Iwaze okyrysaro tsapukte bo duabohotsa huak humo kabō tyzibykyk!” niy. Yh̄ niy. Niparak.

<sup>3</sup>Zumuze duabohotsa perytsitsa nizokbatsinaha. Nitsakikinaha. Awani ziksiwyhiknaha. <sup>4</sup>Iwaze duabohotsa tsihitsa usta tsumuēh̄itsa zipeha. Anabo zumuze zimyjakanaha. Ziharektotokoknaha.

<sup>5</sup>Iwaze ustsa tsumuēh̄itsa nisipeha. Wastuhu nisikikinaha ziksiwyhiknaha. Ustsa nisibanaha. Hawa tapara tsumuēh̄itsa sisopyk atsatu ustsa bo niaha.

<sup>6</sup>Iwaze itse babata zuba are niy, ihumo tsimypokzitsiarēta. Iwatatu tatse sibo zipeha. Tapetu nikara:

“O katse humo ka ja ba zikaha” mytsaty nikara.

<sup>7</sup>Iwaze duabohotsa perytsitsa itse zinynahaze asa zuba nipamykysokonaha. Asa tihi:

“Atakta duabohotsa tsihitsa tse my. Ata kino izo mohyrikosokdaze izo namy takse. Duabohotsa tsaizekita takse. Tabezehiktsa kytsa! Tcipibezenaha zeka katsa hi duabohotsa tahaksenaha” niaha. Iwa asa zuba nipamykysokonaha.

<sup>8</sup>Iwaze tsihitsa tse nizokbatsinaha. Zibezehiknaha. Inury duabohotsa kosobara bo nipapykiknaha.

<sup>9</sup>Tsihitsa ziksize hawa my duabohotsa perytsitsa bo my — Sesus niy.

— Atahi mozumuze iperytsitsa mysiba. Duabohotsa mektsa botu nyny my. Duabohotsa sukpesapy ty ustsa skezokotsitsa bo nyny my — Sesus nikara.

<sup>10</sup>Tubabatu Deus harere papeu humo botu ziwatahaka. Ana hi tsinymyrykynaha.

— Harahare wahoro mozoknikitsitsa batu isapy mytsaty nikaranaha iwatsahi nipapykiknaha,  
ata hi harahare abazubata niyzik iwatahi wahoro tisapyrēna  
niyzik — Deus harere niy.

<sup>11</sup> — Ana hi Deus mykara. Iwatsahi katsaktsa:

“O tisapyrēna. Tcipisapwyky tsimaha. Deus mypehatsa ihumo hi tisapyrēna h̄y tsimaha”.

Iwa tubabatu Deus harere papeu humo botu ziwatahaka — Sesus niy.

<sup>12</sup>Iwaze sisukyrytsitsa sihyrinymyrētsa. Hawa nitsasoko sisoho nipamykysoko ana humo hi sihyrinymyrētsa. Iwatsahi itsipa humo ziokty tsihikiknaha. Kytsa pokso sipybyrētsa. Iwaze sisukyrytsitsa zerekhnaha ziksinaha.

**Kytsa okyrysaro humo Homa Sesa abazubata bo nyny mykaranaha ja.**

<sup>13</sup> Kyze asaktsa Jesus sukyrytsitsa Pariseutsa, Erodes tuktsa kino niwatihi kytsa Jesus bo nisipehakanaha. Nizokparakanaha iharere batu isapy mozihihiknaha ana wakysukik Jesus bo zumukunaha.

<sup>14</sup> Zumunahaze asa hi:

— O myhyriny myrykytsa tisapyrena haty zuba nisihyrinymyryky ana humo myhyriny myrētsa. Kytsa pokso batu apyby, kytsa abazubatsa humo ikia batu asikpyby. Kytsa aharere siakparawy byizeka batu asikpyby. Amy bo mytsaty tsimykaranaha tsihyrinymyрēta h̄y. Deus harere ty zuba tsimyshyrinymyryky. Ahyrinymyrywy baba ty zuba tsimykara. Tozeka ja mypehatsa abazubata Homa Sesa okyrysaro ibo nyny tsimaha. Tozeka ja batu nyny tsimaha. Hawa sa batu myhyriny myry — nikaranaha.

<sup>15</sup> Jesus simysapybyi humo tsihyrinymyрēta. Iharere batu sapy mozihihiknaha humo tsihyrinymyрēta. Iwaze ispe niy:

— Amo kaharere humo imysapybara tsimyshihiknaha Okyrysaro ty estuba kabu nnyntaha! Okyrysaro wata bo iksa taha — niy.

<sup>16</sup> Okyrysaro wata ty estuba ibo nyny niahā.

— Aty naro sa okyrysaro humo ziwatahaka. Aty hyrikoso sa okyrysaro humo ziwatahaka — niy:

— Abazubata Sesa hyrikoso okyrysaro humo — niahā.

<sup>17</sup> Jesus:

— Niwazuba. Abazubata Sesa namy ty ibo tu tysizotahakta! Okyrysaro ty abazubata Sesa bo tsisizonaha. Hawa ha Deus mozihihik ana ty zuba Deus bo nyny tahakta! Deus hawa ty mozihihik ibo tysizotaha — Jesus niy. Iharere ziwabynahatsa paikpa iksa nikaranaha.

### **Mynahyrizikpo naha soho nitsasoko.**

<sup>18</sup> Kyze wastuhu Sadusitsa Jesus bo zumunaha. Asaktsa tsimyhyrizikosokdanahaze ba ziknahyrizikponaha mykaranaha.

<sup>19</sup> Iwatsahi Jesus pe niahā:

— O myhyriny myrykytsa, tubabatu Moises ziwatahaka. Deus harere myhumo ziwatahaka atahi “Taparakta maku nihyrikosokdaze itsy haramukuka ziakse. Iwaze atatsa tabykyhyze mopurukze kytsa tihi: ‘O izikytse mopuruk’ maha” niy. Iwa Deus harere papeu humo ziwatahaka. Ipezo maha. <sup>20</sup> Kyze kytsa sete itukytsa nisakba. Taparakta tasukza. Kyze hyrytsa ahabyita tu nihyrikosokda.

<sup>21</sup> Kyze itsy haramukuka bo zipysawy. Itsy kino niwatihi ihyrytsa byita tu nihyrikosokda. Bykyze itsy taziky wanu sapy bo ziaksezoze ata kino ihyrytsa byita tu nihyrikosokda.

<sup>22</sup> Iwa itukytsa nisakba katsyhyrywatsa sete atatsa ziakse. Estuba nihyrikosokdaze usta itsy atatsa zioktyhyryk siwatu atatsa zioktyhyryk.

Kytsa hyrytsa ahabyitsa tu niakbakanaha. Iwaze atatsa kino niwatihi nihyrikosokda.

<sup>23</sup> Kyze nawa puruze sizubarētsa mynahyrikponahaze aty sa ibarikta babata niaha. Sete itukytsa atatsa ziaksenaha iwatsahi aty sa ibarikta babata — niaha.

<sup>24</sup> Iwaze Sesus ispe niy:

— Ana humo kino zahaspikhbakanaha. Deus harere siakbatsa sohowy humo batu ahaspirikpo. Deus zikwy humo batu ahahyrinymyry.

<sup>25</sup> Abaktsa kytsa tahasukzanaha. Wytykyryk mysiaksekenaha. Iwatsa tu mohyrikosokdanahaze mynahyrikponaha. Inahyrikponahaze sisukzabyitsa bijoikpe eze tu mynapykyknaha. Ba zikarazonaha.

Iwaze bijoikpe iknyktsitsa watsa moziknaha asahi batu tahasukza

— niy. <sup>26</sup> Tsimyhyrikosokdanahaze tsinahyrikponaha ana ty hi tsinymyrykynaha — niy. Tubabatu Moises ziwataha, ana papeu humo ja batu ahahyrinymyry. Mytsatyta! Moises okyrysaro mokorobaka soho ziwatahaka. Hana eze okyrysaro ikny Deus yksaho ziwaby. Deus tihi:

— Utakta Deus my. Taparakta Abarão kahumo tispirikporēta. Adiri Isake niwatihi kahumo tispirikporēta. Adiri Sako kahumo tispirikporēta. Iwa — niy.

<sup>27</sup> Kytsa niakbakanahatsa Deus humo batu sispirikpo. Kytsa asatu zuba ihumo sispirikporētsa. Iwatsahi asaktsa tapara niakbakanahatsa aba kino asatu sispi. Iwatsahi Deus tihi:

— Uta hi Deus my asahi kahumo mospirikpokonaha. Iwatsahi kytsa batu myhyrikpozo mytsaty tsimykaranaha zeka batu wasani tsimaha, tsipimyinaha — ispe niy.

### Amy ty Deus harere aba zuba iharereta.

<sup>28</sup> Kyze estuba siwatahakatsa Sesus bo niy. Hawa isukyryktsitsa pe nitsasoziuku ziwaby. Iwaze Sesus pe niy. Atahi:

— Amy ty sa Deus harere aba zubaha iharere. Tisopykzubarēta sa — niy.

<sup>29</sup> Sesus ipe niy:

— Deus harere iwa aba zuba my. Wabytaha Isareu ezektsa! Deus estuba zuba koikny baktatu atahi Deus babata. Ihumo ahaspirikporētsa. <sup>30</sup> Deus harere bo zuba hyŷ tsimykaranaha. Ibo zuba mytsatyziuty. Ihumo ahamypokzitsirētsa babatsa. Itsyhyrype ze tarabajaziuba tsimykaranaha. Tsahapaikrētsa itsyhyrypeze ahahyriktsokzawy tsimykaranaha. Hawa Deus mytsaty mynakara tsipinymyrykynaha zuba. Nawa tubabatu Deus harere papeu humo botu ziwatahaka. <sup>31</sup> Usta harere aba zuba tihi:

— Ahatuktsa pauktsitsa tynasipokzitsikinaha, ahumo tsinakaranaha watihi. Iwa tubabatu Moises Deus harere papeu humo ziwatahaka. Anaharere petoktsa abazubatsa maha iwatsahi anaharere bo hyŷ tsimykara — Sesus niy.

<sup>32</sup> Iwaze Sudeu ziwatahakata nitsaso:

— O myhyrinymyrytsa hawa ty tsimykara wasani my. Deus estuba zuba, koiknybakta tu atahi Deus babata. <sup>33</sup>Katsa ibo tsimykaranaha tihi. Atahi abazubata my. Ibo zuba mytsatyziu tsimykaranaha tihi. Ihumo mymypokzitsirētsa babatsa. Iharere bo zuba hȳt tsimykaranahaktsa. Mypaikrētsa itsyhyrypeze myhyriziktsokzawy tsimykaranaha. Hawa Deus mytsaty mynakara tanymyry zuba. Iwaze mytuktsa pauktsitsa tysipokzitsikinaha my humo tu tsinakaranaha wa tihi. Ana harere aba zuba. Katsa siraratsa nisibanhaze Deus bo isty nyny tsimykaranaha. Wasani my. Siraratsa tsimysikorobanahaze iwaze Deus bo nyny tsimykaranaha. Wasani my. Katsaktsa iharere bo hȳt tsimykaranaha zeka ana humo hi wasani babatsa tsimykaranaha Deus myhumo tsakurēta mozik — niy.

<sup>34</sup> Sudeu ziwatahakata nitsasoziuku iwaze Jesus ipe niy:

— Ikia Deus tyryktsa tsimozik tsihikik abanury tu tsimozik — niy.

Iwatsahi kytsa iharere pokso sisikpybyrētsa. Batu — Hawa sa tsimy niahazo — nikaranaha.

#### **Deus zipehata Dawi tsekokata atsatu sa.**

<sup>35</sup> Iwaze Jesus Deus wahoro zubata eze nisihyrinymyrykyze ispe niy:

— Hawa Deus harere hyrinymyrytsa Deus zipehata Dawi tsekokatsa mozik. <sup>36</sup>Tubabatu Dawi Deus hyrikoso humo nitsaso.

Deus pehatsa pe: “Kapanuryk taba dyhyt!

Bykyzehu utakta Deus asukyrytsitsa apyrytsa pukezi typykyk apokso sipybyrētsa” niy.

Iwa Dawi Deus hyrikoso humo ziwatahaka.

<sup>37</sup>Tubabatu Dawi hi Kiristu Deus zipehata pe “Kapehatsa” iwatahi Deus zipehata Dawi tsekokatsa h̄ȳ ata kino ipehatsa niwatihi — Jesus niy.

Kytsa sizubarētsa iharere humo sakurētsa niyziknaha.

#### **Sesus Moises harere hyrinymyrytsitsa soho**

— Pykyhytu tahaktsa kytsa! — niy.

<sup>38</sup>Jesus nisihyrinymyrykyzo. Atahi:

— Moises harere hyrinymyrytsitsa humo pykyhytutaha kytsa! Asaktsa tahasuk humo tisapyrēna ty zuba siakparawy.

“Katsa zuba mysapyrētsa” mybarapetu nikaranaha. Anasapy kytsa sinamy pihuaknaknaha, anaeze kytsa zihobbyknahaze sibo nitsasoziukunahaze ana kino siakparawy. <sup>39</sup>Sudeutsa wahoro eze sidyhydyhywytsa sisapyrētsa zuba siakparawy. Tahamyikahanaha zeka isapyha zuba siakparawy. Sisorokrētsa. “Katsaktsa wasani tsimykaranaha” mybarapetu nikaranaha.

<sup>40</sup>Asahi maku nihyrikosokdaze haramukuka namy piaksenaha. Okyrysaro piaksenaha. Asahi kytsa okzeka Deus bo

mopamykysokonahaze sipapatu haramukukaka namy piaksebanaha. Kytsa okzeka ihyritywaha humo zuba, Deus sihumo tsihyrinymyrēta. Atahi sinini ykarawy bo mysipehahik anaeze tahawahi mynapykyryknaha — niy.

**Haramukuka okyrysaro ty ikytihy nynybaik niy.  
Ana bo hi Sesus iktsa niy.**

<sup>41</sup> Kyze Sesus Deus wahoro zubata isturupeze okyrysarosuk baze nidhyhyky. Kytsa okyrysaro suk bo zipopokonaha ana bo hi nikozoko. Sinamyrētsa okyrysaro tsizubarēna ty poktohi nikaranaha.


<sup>42</sup> Iwaze haramukuka bo iktsa niy. Inamybyitatsa tu okyrysaro suk bo korok niy. Atatsa okyrysaro suk bo okyrysaro kaha tihi petok tsibik zuba korok niy. <sup>43-44</sup> Iwaze Sesus zinymyrykynahatsa pe:

— Totsohi bo iktsatahaktsa! Atatsa okyrysaro tsizubarēna ty nyny niy, iwatatsatu petok tsibik korok niy. Sinamyrētsa okyrysaro tsizubarēna ty nyny niaha iwatsa tu siokyrysaro kino kyhybyri habara ziknakara. Atatsa katsa batu. Inamybyitatsa tu okyrysaro ty tadirahawy huakaty nynybaik niy. Deus okzeka ikahatyhi okyrysaro ty nynybaik niy. Atatsa hi okyrysaro ty nynybaik tsihyrizikporētatsa nikara — Sesus niy.

**Deus wahoro zubata mynakbi Sesus niy.**

**13** <sup>1</sup> Kyze Sesus Deus wahoro zubata ekze zinymyrykyta ipe niy:  
— O myhyrinymyrytsa iktsa tykta. Haraharetsa sisapyrētsa sibuzurētsa. Deus wahoro zubata ipamabita — niy.

<sup>2</sup> Sesus:



(Marakos 13.2)

— Yh̄. Haraharetsa bo iksa ty. Aibatohi haraharetsa ba harape bete zozo zikaha. Haraharetsa mynatōtōbaiknaha, iwaze Deus wahoro zubata nakarakbaik — niy.

### Sininikarawy isukyrywy aha.

<sup>3</sup>Bykyze Sesus nidhyhyky. Oriwerezatsa hara eze nidhyhyky. Deus wahoro zubata bo inakozo. Iwaze Peduru, Tsiaku, Suāo, Ādere iwatsa ibo nipamykysokonaha. Asazubatsa ibo nipamykysokonaha.

<sup>4</sup>— Hawaze Deus wahoro zubata mynakarakbaik amy ty sa tsimymyhrinymyry ana hi mybo tsipiwatawy — nikaranaha.

<sup>5</sup>Iwaze ispe niy:

— Pykyhytutaha! Kytsa pahaspikhbataikiknaha h̄y. Siharere bo ka waby waby byitaha! <sup>6</sup>Sizubarētsa mozumunahaze pahaspikhbatanaha “Utakta Kiristu Deus zikpehata maha” mybarapetu mykaranaha. Siharere batu wasani my situka pāo pāo byitaha — niy.

<sup>7</sup>Tsiwabykynahaze kytsa nokponi mysibanaha, kytsa bytykara eze kino niwatihi mysibanaha. Ahapybybyihu ja iwa my zeka mybarawy ipykbaratu.

<sup>8</sup>Nanabyi tabatsa myharape sukyryikiknaha. Nanabyi taba usa koikny mybarawy taba mytydydykyk tu. Kytsa sizubarētsa taharapa piyknaha. Batu sidisahawky iwa myziakbataka mysinininaha.

<sup>9</sup>— Pykyhytutaha! Botu ahabo iksaso. Kytsaharerewabysitsa bo pahaoktyhyryknaha. Sudeutsa wahoro eze pahamyijakanaha, kapokzi pahakinaha. Tahapehatsitsa bo pahaoktyhyryknaha. Ikiahatsa siokeze tu kaharere tsimytsasonaha.

<sup>10</sup>Taparaka wasania ty myzubaha bo tsimytsasonaha bykyze zuba mybarawy mopykba. <sup>11</sup>Ahatsipa humo pahaoktyhyryknaha. Sipehatsa okeryk pahaoktyhyryknaha zeka ahaharere soho mytsaty mytsaty byitahaktsa! Sipehatsa okeryk tsimytsasonaha zeka Deus pahatsumuēhī. Deus hyrikoso myzapikso izikwy humo tsimytsasonaha iwaze ahahyrinymyrētsa h̄y. Ahasukyrytsitsa ahaharere ba ziaksenaha — niy.

<sup>12</sup>Iwaze atukytsa siharerewabymybarētsa tu maku tahatsy ty sisukyrytsitsa bo mysioktyhyryknaha iwa mysibanaha. Sizotsa tahahyrytsa sisukyrytsitsa bo mysioktyhyryknaha iwa mysibanaha. Sihyrytsa kino niwatihi tahazotsa humo tahakyrikinaha sisukyrytsitsa bo mysioktyhyryknaha iwaze mysibanaha.

<sup>13</sup>Ikiahatsa kahumo ahaspirikporētsa iwatsahi kytsa ahahumo tahakyrikinaha. Atakta tsipunihikrēta tu tsimysapyrēta mozik. Aty sinini mykara zeka iwatalhi tsipunihikrēta mozik atakta tawahi Deus tuk mynapykyryk h̄y.

**Sesus isapybyiwu soho nitsasoko ana humo hi kytsa sinini mykaranaha.**

**14 Sesus nisispirkopokozo.**

— Iktsa tsimahaze isapybyiwu anahi imyrawy namymyikik, ana bo kino iktsa tsimahaze Deus wahoro zubata eze batu zetuba my! (Aty papeu pinymyryky siwabynahatsitsa bo pinymyryziuku!) Hawa myze asaktsa Serusarēhe eze tu Sudeja hara bo tywaknahaktsa!

**15 Aty wahoro bete zeka paku paku byity, ba anamy zebyk.**

**16 Aty tatsuhuk ezeka awahoro bo ba eretezo asuk humo zikykt!**

**17 Wytykyryk sihyryzahaza sisukatsihikrēza mopykyknaha. Sijeza niwatihi tahabykytsa tuk sisukatsihikrēza mopykyknaha. 18 Deus bo tsimypamykysonaha:**

“O myzo nawa puruze batu hyritsik tyziwō tsimyzapykyknaha.” tsimaha. **19 Amakata okoroze sinini tsimykaranaha. Deus mybarawy nizuknize kytsa anawa haty batu sinini niahā. Ba sininizo zikaha. Iwaze zuba nawa sinini tsimykaranaha.**

**20 Deus siwatahawhytsa pokzi nawa puruze mopykba. Batu mybara bo ka siwatahawhytsa pokzi. Nawa puruze mopyk byizeka batu aty tohi ispitutsa ba zikapykyryknaha.**

**21 — Aty ababo motsaso zeka “Iktsa tahaktsa! tabo Deus zipehata Kiristu maha” iharere bo ka ba hŷ tsimaha. Usta ahape my zeka “Nabo Kiristu my” iharere bo ka ba hŷ tsimaha.**

**22 Kytsa sizubarētsa mozumunaha. Asa tihi: “Utakta Kiristu maha” pahaspikhbatakanaha. Kytsa sizubarētsa siharere bo yhŷ mykaranaha. Mymyspihikbataikiknaha zuba. Mektsa tu mozumukunahaze “Katsaktsa Deus sohokotsa maha” mybarapetu mykaranaha. Siwatahawytса mykaranaha ana humo hi kytsa mysiakmyiwkyknaha. Deus watawyhytsitsa mysiakmyiwu tsihikiknaha.**

**23 Iwatsahi pykyhytutha! Hawa mykara naha botu ababo motsasoko iwatsahi ahaspirikpohu!**

### **Uta Deus zikpehata ahawata ikyzik myziksizo.**

**24 — Bykyze sininikarawy mopykze nanabyi iwatawy natakaha. Bijoikpe eze iwatahawu natakaha. Haramwe mybe. Miwa zuba byzoje kino niwatihi myhyrizikubyri.**

**25 Byrisoiktsa mynatsunaha. Bijoikpe iknyiktsa mytydydykyryknaha.**

**26 Iwaze uta mynasikze kabo tsimykozonaha. Utahi Deus zikpehata ahawata bijo oktsi tuk kabo tsimykozonaha. Mynasikze kamysapyrēta, kahyrizikporēta, kazikwyrēta ana kino kytsa sizubarētsa mytsaty mykaranaha.**

**27 Iwaze bijoikpe iknyiktsitsa Deus tsumuēhītsitsa mysipeha. Siwatahawhytsa bo mysipeha. Nanabyitaba siwatahawhytsa mynakypyknaha — niy.**

Iwa Sesus tuk zinymyrykynahatsa bo nipamykysoko.

**Umaha soho humo nisiwatawyky.**

<sup>28</sup> — Umaha bo iktsa tsimykarahanahaze ana soho hawa pahawatawy tsinymyrykynaha. Umaha taypykze tapara isarapatsa ytsik humo tasaropok iwaze moziponaha. Iwaze ikiahatsa:

“O hyrictsik abaka jokboha” tsimykarana. Ahahyrinymyrētsa.

<sup>29</sup> Iwaha hi sinini tsimykarahanahaze utakta mynasik ana humo hi ahahyrinymyrētsa h̄y. Wasani my.

<sup>30</sup> Kaharere ka wasani h̄y wabytaha! Abaktsa kytsa amy ty motsasoko pinymyrynah. Kaharere atsatu mykara iwaze zuba mohyrikosokdanaha.

<sup>31</sup> Bijoikpe mybarawy ahaka mohokda. Kaharere ka ba zikokza. Ba nawa taize ja zikaha ba zikpyk. Kaharere ka tawahi mynapykyk — iwa Sesus tuk zinymyrykynahatsa nisihyrinymyryky.

**Sesus myziksizo naha humo batu aty tohi ihyrinymyry.**

<sup>32</sup> Sesus:

— Utakta myziksizoze batu aty tohi nawa taize ja ziky ba sihyrinymyryhy. Batu aty tohi sinini ykarawy bo myze ba ihyrinymyryhy. Bijoikpe iknyktsa Deus tsumuēhītsitsa kino ba sihyrinymyryhy. Uta kino Deus tse babata tu batu kahyrinymyryhy. Kazo zuba tsihyrinymyrēta.

<sup>33</sup> Iwatsahi tsimyziperykynaha! Tykmybanahaktsa! <sup>34</sup> Hana wa okoroze sinini okarawy mozumuze maku wata. Atahi meky botu moparak. Taparaka tatsumuēhītsitsa sihyriziktsokdawy humo mysipheare. Hokbowy perytsitsa nisipeha. Iwaze tawahoro ekze nipayarak.

<sup>35</sup> Iwa tsiperynahaktsa! Zihitsa myziksizo naha humo batu sihyrinymyry. Kyze punubaze ja myziksi, unopokte ja myziksi, nakokze ja myziksi, zokorobyi tu ja myziksi. Batu ahahyrinymyry. <sup>36</sup> Atsoko myziksizo zeka batu ahazika. Iwatsahi tsiperykynahaktsa! <sup>37</sup> Hawa ha ty ahape mykara atsatu sizubarētsa pe mykara. Ahazikara byihuja tsiperykynahaktsa! kytsa — niy.

**Sesus zibeze tsihikiknaha.**

**14** <sup>1</sup> Aba petok puru nahawaze simyikaha asiba inakmy. Simyikaha atsikara ipytowybara ty zikziokoknaha. Simyikaha eze Deus taparaktsa nisitsumuēhī bo mytsaty ziknakaranaha. Iwaze Deus wahoro eze ziknapamykysokonahatsitsa, siwatahatsitsa kino niwatihi Sesus ziberikinaha. Sisukyrytsitsa niah. Itsipa humo zioktyhyryk tsihikiknaha. Tabezhikta nikaranaha tsahi kytsa papatu asahi Sesus zibeze tsihikiknaha. <sup>2</sup> Asa hi:

— Mymyikaha eze tuze ba Sesus zibezenaha. Kytsa pokso mypybyrētsa. Tsipibezena zeka iwazeka kytsa mymybabanaha. Sizubarētsa niakmyinaha — nikaranaha.

### Sesus Betanija hudikhudikwy eze.

<sup>3</sup>Sesus Betanija bo zumu. Tapara Simao iakōrōrōta zizororowyta wahoro bo nitsuk. Tahadisahakanahaze wytyk inatsuk. Atatsa jokmorēnikia ty taoporusuk arabastero harahare hi, tsipokzitsarēna niy. Narado inarokoha tsipokzitsarēna ty. Atatsa Jesus boze taoporusuk zisoiktsakik iwaze jokmorēnikia ty iharek bete ziharasusuku. Iwa nikara.

<sup>4</sup>Iwatsahi wastuhu sakzohotsa ihumo tahakyrikinaha.

Tahasakparekenaha:

— Amy skaraba jokmorēnikia ty piharasusuku — asa zuba nipamykysonaha.

<sup>5</sup>— Jokmorēnikia tsipokzitsiarēna. Katsaktsa jokmorēnikia ty tahuak zeka okyryso tsizubarēna humo, 300 denario tsimaha. Iwaze okyryso ty sinamybyitsa bo nyny tsimaha zeka wasani tsimaha — nikaranaha. Iwa zibetsakaknaha.

<sup>6</sup>— Awatu betsak betsak byitaha! — Jesus niy. — Atatsa hiba wasani mykara. Amy humo sa tsipesuka tsihikknaha nikara kahumo tisapyrēna niy. <sup>7</sup>Sinamybyitsa ahapauk baze mopykyryknaha zeka sibo nyny tsimaha zeka wasani my. Utakta kabu ka ba nyny zikaha. <sup>8</sup>Abanurytu pikbezenaha. Mohyrikosokda. Atatsa kanury ziharasusuku iwaze kaytyk bo mokmy — niy.

<sup>9</sup>— Kaharerere tsiwabyziunahaktsa! Nanabyitaba Deus wasania ty myzubaha bo motsasokonaha. Hawa atatsa niy ana ty hi nanabyitaba inapamykysokonaha niwatihi iwaze sizubarētsa atatsa soho bo mytsaty mykaranaha — niy.

### Sudas Sesus sukyrytsitsa bo niy.

<sup>10</sup>Kyze Sudas Iskariotses isopyksapybyita tu mykara. Jesus tuk zinymyrykyta iwatatu Deus wahoro eze ziknapamykysonahatsa taparaktsa bo zumu ispe niy:

— O Jesus batu ahakparawy. Tsipibeze tsihikknaha. Uta pahatsumuēhī. Bykyze uta hi ibo pahaokthyryk — niy. <sup>11</sup>Iwaha ziwabynahatsa sakurētsa nikaranaha:

— O ikia tsimymytsumuēhī zeka okyryso ty abo nyny tsimaha — niahā.

— Yh̄. Bykyzehuta! Aba ibo piksizo — niy.

— Yh̄. Tsipaksi za — niahā. Iwaze Sudas mytsaty nikara:

— Hawa sa Jesus bo mysiokthyryk. Yh̄ ja. Bykyzehu — niy. Ziperyky zuba.

### Sesus tuk zinymyrykynahatsa myikaha ty tadirahaka.

<sup>12</sup>Kyze Sudeutsa simyikaha mozumuze zinymyrykynahatsa ipe niahā:



(Marakos 14.10)

— O Sesus hana eze sa mymyikaha tsipikymynaha Hana eze sa ikia tuk karaneru tsani tazobaze tsimymydisahanaha — niahā. Amyikaha bo pororo ziknakaranaha Deus Sudeutsa taparaktsa ziknasitsumuēhikīnahatsa bo mytsaty ziknakaranaha.

13 Sesus ispe niy:

— O nabo tsimykaranaha kytsa. Ikiahatsa petoktsa nabo Serusarēhe hudikhudikwy bo tsimytururuknaha! Anaeze maku pihik suk pebykykyrykta bo tsimykozonaha. Pihik myzizokota hapikta! Wahoro bo mytsukze, iapik tu paku paku tsimaha! 14 Tsihitsa pe:

O myhyrinymyrytsa “Hana eze sa amyikaha eze mydisahawy ty katuktsa tuk hauk tsimaha my” tsimahakta! Iwaze ahape my “Iktsatahaktsa”!

15 Wahoro jobo tsimydokoknaha, pokpedawy bo pykyhytu mydyhydyhywy bo iksa tsimaha. Mysapy eze inakymy. Anaeze mymyikaha katsa mybo inakymynahaktsa! — niy. Yh̄ñ niahā.

16 Iwaze zinymyrykynahatsa petoktsa nitururuknaha. Serusarēhe bo izumunahaze hawa ty Sesus botu nitsasoko, atsatu niahā. Nawa tahamyikaha zikymynaha karaneru tsani zizobanahaze.

<sup>17</sup>Kyze zunubaze Sesus ustsa zinymyrykynahatsa tuk zumukunaha, mytsyhyrytsa watsa tuk izumuku. <sup>18-21</sup>Tahadisahakanahaze Sesus ispe niyi:

— Ahatuk estuba:

“O Sesus kaharereziwybyita my. Abaka batu Sesus tukta my” mykara.

Iwatahi kasukyrytsitsa tuk kabo tynasioktyhyk. O bykyze atakta sinini myze zikpuruk byizeka wasani my. Imyspihikbatanikita tu Deus zipehata mywata humo sinini mykara. Ana hi Deus botu ziwataha — niy. Iwaha ziwabynahatsa hi batu siaku:

— O aty skaraba. Uta kino batu. Uta kino batu. — nikaranaha.

Sihyrinymyrybyitsa tu sibo Sudas soho nitsasoko. Sesus:

— Estuba katuk tamihī ty sok mytahi imyspihikbatanikita — niy.

### Hawa Sesus tuktsa ihumo mytsaty mykaranaha.

<sup>22</sup>Kyze tahadisahabanahaze Sesus atsikara waha ty okok niy. Deus pe niyi:

— Ikia humo ka mykurētsa — niy. Atsikara zitsatsakak. Sibo zibiakak:

— O hauk tahaktsa, naty hauk tsimahaze, kanury soho bo mytsaty tsimaha, “Sesus mysapyzeky nihyrikosokda” tsimaha — niy. Iwa niahā.

<sup>23</sup>Iwaze taoporosuk duabohotsa tsik ty okokzo niy. Deus pe niy:

— Ikia humo ka mykurētsa — niy. Iwaze sibo nyny niy.

<sup>24</sup>— O naka kaspu waha. Tsimyzikukunahaze kaspu soho bo mytsaty tynakaranaha. Kaspu mopuku iwaze Deus ahasonho pe my “Sisopyksapybyitsa humo mysiokzo iwatsahi kaokzeka meky watu moziknaha” Deus mykara. <sup>25</sup>Uta aba zuba duabohotsa tsik piku. Pikuzoze kazō tuk kytsa tuk asaktsa kaharere bo hȳ mykaranaha, katyryktsa moziknaha — niy. Iwaze sizubarētsa duabohotsa tsik zikukunaha.

<sup>26</sup>Kyze unata eze Deus bo nisakibazikiknaha:

— O Deus ikia tsamysapyrēta — nikaranaha. Kyze Deus bo nisakibazibanhaze ape bo ziponaha. Hara jobonita bo Oriwereja inarokota bo niukurunaha.

### Sesus Peduru nizukpeheze — O batu Sesus kanyhy tsimy — niy.

<sup>27</sup>Nakpo zukzuk niahaze. Sesus ispe niy:

— Utakta aba pikbezenaha. Pikbezenahaze, batu aty tohi katuk mopykyryk. Kasukyrytsitsa pokso tsimywaknaha. Deus harere botu ziwataha “Hozipyrykzatsa irarakata pibezenaha iwaze myraratsa mowakbaiknaha” iwa Deus harere botu kahumo ziwataha. Utakta hozipyrykzatsa irarakata wata. <sup>28</sup>Mynahyrizikpoze ahaharaze Karireja eze pahapery — niy.

<sup>29</sup>Peduru:

— O batu. Ustsa kytsa ja. Utakta batu. Uta kino atuktu mopykyryk.

**30-31 Sesus:**

— O Peduru aba unata eze harakykbyi kasoho “Batu Sesus kanyhy” tsimyspihikbata, kokuarto petok nipuze iwa tsimyspihikbata. Iwa ba zabezenaha — niy.

— O niwazubakta. Abaze pikbezenaha zeka:

“Utakta Sesus tukta” my — niy.

Kytsa sizubarëtsa kino niwatihi nikaranaha.

**Sesus zinymyrykynahatsa tuk Oriwerejatsa hara  
bo Kesemani inarokota niukurunaha.**

**32** Kyze Sesus zinymyrykynahatsa tuk hara bo nidoknaha anaeze isaziktsa koso Kesemani inarokoha bo hi nisioktyhyryk. Ispe niy:

— Anaeze dyhy dyhytahaktsa! Uta kino Deus bo mopamykyso — niy.

**33** Ustsa kytsa dyhy dyhy niahaze, Peduru, Suão, Tsiaku, ahatsahi nisioktyhyryk. Sesus mytsaty nikara:

— O bykyze pikbezenaha — nikara. Paikpa mytsaty nikara. Iakubyita niapkyryk. Tisukatsihikrëta nikara. **34** Tatuktsa pe niy:

— O batu kaku. Pikbezenaha kasukatsihikrëta mykara. Uta kino Deus bo mopamykysoko. Tykara eze tu tutarenaha. Tsikperylnaha ahaõtutsabyihu ja — niy.

**35** Iwaze siharapu bo niparak. Niparakze, wytyk bo okmymy niy, Deus bo nipamykysoko. **36** Iwaze Deus pe niy:

— O kasukyrytsitsa kabo mozumukunaha, kazo. Tsiktsumuõhikta iwaze sinini mykara. Uta tu zeka ba mohyrikosokda tsihikik. Ikia:

“Tyhyrikosokdakta!” tsimy zeka, mohyrikosokda — niy.

**37** Iwaze tatuktsa Peduru, Tsiaku Suão ahatsa bo iziksizo. Zurubaiknaha.

— O tsikurubaik naha sa Peduru. Katuk batu tsiperyky ja hini hini byitahaktsa! — niy.

**38** — Deus bo typamykysonahaktsa! Deus zikwy humo zuba ikiahatsa ahapunihikrëtsa tsimoziknaha niy iwatsahi Satanas harere bo batu yhÿ tsimaha. Hawa ha ty wasani tsipitsihikiknaha ikiahatsa batu ahapunihik iwatsahi Deus bo typamykysonahaktsa — Sesus niy.

**39** Atsa botu ziksizoze, Deus bo nipamykysokozo:

— O “Tyhyrikosokdakta!” tsimy zeka, kazo, utakta mohyrikosokda — niy. **40** Sibo ziksizoze, zurubaikzonaha. Tahaõtutsaspyk nikaranaha. Sesus:

— O tsipuruziukunaha zuba — niy. Batu harere zikaha.

**41** Bykyze Deus bo nipamykysozoze sibo ziksizo.

— O abaze sihi tsikahabyrylnaha. Abaka ba zikumunaha. Abaka utakta Deus zikpehata ahawata ikyzik kasukyrytsitsa bo pikoktyhyryknaha niy. Abahi pikbezenaha. **42** Kyiktykta! Tupaktsa! Abaka imyspihibatanikita mozumuku. Kasukyrytsitsa kabo tynasioktyhyryk.

**Kytsa Sesus tsipa humo ziektyhyryknaha.**

<sup>43</sup> Ana hi nitsasokoze Sudas ibo izumu. Sudas zinymyrykyta tu siharereziubyitsa tuk izumuku. Sesus bo inasioktykyryk. Tanoratsa upepetsa iwatsa tu nasebykyknaha.

<sup>44</sup> Tapara Sudas ispe niy:

— O Sesus piwatawyze piharapyrykze ahanyhybyitsa tsipinynaha kytsa. Atahi piharapyryk! Iwaze itsipa humo tsioktyhyryknahaktsa! — niy. Taparaktsa Deus wahoro eze ziknapamykysonahatsa nisipeha Sesus piktyhyryknaha, Moises harere hyrinymyrytsa, Sudeutsa taparaktsa kino niwatihi nisipehanaha.

<sup>45</sup> Iwaze Sudas Sesus bo zuk niy. Sudas:

— O ikzumukta kahyrinymyrytsa — niy.

Iwaze Sesus ziharapyryk. <sup>46</sup> Kytsa Sesus ziektyhyryknaha.

<sup>47</sup> Ipaubazekta Sesus tukta tasokorotsapu izibok. Maku spi zizykik. Atahi taparakta maku ziknapamykysokota Deus wahoro zubata eze tsumueh̄itsa. <sup>48</sup> Sesus ispe niy:

— Amo skaraba tanoratsa ahaupepetsa iwatsa tsiknasebykyknaha. Awatutaha. Utakta katsyhyryboabyita. Batu kakyri. <sup>49</sup> Ahatuk zikzuruku. Ikiahatsa tuk Deus wahoro zubata eze zikzahahyryinymyryky. Iwatsa tu batu katsipa humo katy oktyhyryk. Deus harere botu ziwataha itsyhyryboanikita wata katsipa pikoktyhyryknaha. Aba zuba katsipa humo tsipikoktyhyryknaha — niy.

<sup>50</sup> Iwaze zinymyrykynahatsa niwakbaiknaha. Tahapybypyk hi niwakbaiknaha. — Iwa zeka mymybabanaha — niaha.

<sup>51</sup> Itsipa humo ziektyhyryknahaze mykyryburukta Sesus hapik niukuru. Atahi niwakik panu ty irikpidiwyhyta niy. <sup>52</sup> Nizokbatsinaharēta tu niwakik. Tazikpidiwy zuba sibaze zereke. Iwatahi isukbyitatu niwakik.

**Kytsa Sesus kytsa harerewabytsa bo ziektyhyryk.**

<sup>53</sup> Kyze Sudas tuktsa taparakta ziknapamykysokonahatsa tuk myhyrizikwanikita wahoro Sesus ziektyhyryknaha. Taparaktsa kapitaōtsa watsa Moises harere hyrinymyrytsitsa kino niwatihi anaeze niapykyryknaha. Sizubarētsa inakypyknaha.

<sup>54</sup> Peduru tsipybyrēta hi ērykani iapk inaukuru. Taparakta wahoro sturupe eze nitsukze iwarikpsyk sodadutsa baze nidhyhyky izo baze niakpyzazaka. <sup>55</sup> Iwaze taparaktsa Deus wahoro ziknapamykysonahatsitsa. Sudeutsa taparaktsa Moises harere hyrinymyrytsitsa ahatsa inakypyknahaze kytsa harere ziwabynaha. Asahi:

— O kytsa Sesus soho pisapybyrikinaha iwatsahi pibezenaha — anahi mozihiiknaha. Siharere meky watu nitsasokonaha. <sup>56</sup> Iwaze wastuhu kytsa ispe:

— Sesus harere batu wasani — niaha. Ustsa kytsa batu yh̄y niaha. — O batu imysapy — niaha. Isoho nimyspihikbataikik. Mekywatu nikaranaha.

<sup>57</sup>Wastuhu niriktotohokonaha. <sup>58</sup>Asa tihi:

— Katsa iharere tsiwabynaha mype niy:

“Utakta Deus wahoro zubata anahi kytsa nizukninaha myzipyk bykyze petok puruze usta wahoro mozokni anahi kytsa batu mozokninaha”  
Sesus niy, anahi tsiwabynaha — mybarapetu nikaranaha.

<sup>59</sup>Ana ty hi metutu nitsasokonaha iwatsahi Kajapas:

— O mybarapetu mykaranaha — niy. <sup>60</sup>Nitsasobanahaze, Kajapas sibaze tarikto:

— Amo Sesus. Kytsa asoho nitsasokonaha anahi tsiwaby. Hawa sa tsimy — niy.

<sup>61</sup>Sesus batu harere. Iwaze Kajapas ipe niyzo:

— Hawa sa Sesus. Ikiahia ja Deus zapehata. Ikiahia ja Deus bo tsimymyoktyka. Ikiahia ja Deus tse — niy.

<sup>62</sup>— Yh̄y. Deus zuba izikwyrēnikita. Utakta Deus zikpehata ahawata ikyzik. Ibaze tuze mybarawy ezecheta bo zikpeha. Iwaze mybarawy bo mynasik. Aba uta Deus bo mydo. Ibaze tuze bijoikpe eze tu, kabo iktsa tsimaha iwaze mybarawy bo bijo satata tuk mynasikzo — niy.

<sup>63</sup>Kajapas ana harere ziwabyze tsiakyriukrēta niyzik. Iwaze isuk zisykik nawa ziwatawy takyriki.

<sup>64</sup>— O soso byitaha ba ziktsasonaha! — niy.

— “Utakta Deus wata” my. Iharere botu tsiwabynaha hawa sa ity tsimaha — niy.

— Tabezehikta! Tabezehikta! — nikaranaha.

<sup>65</sup>Iziakbatakanahatsa zehezozokoknaha, zihyrizikwarakanahaze iwaze hi nitsakikinaha.

— Aty skaraba zaki — nikaranaha, zimyijakanaha. Isperysitsa kino niwatihi nitsakikinaha.

### Peduru Sesusta batu kanyhy nikara.

<sup>66</sup>Peduru wahoro peze nidhyhyky. Anaeze myhyrizikwanita tsumuēhītsata ziharamuze. <sup>67</sup>Atatsa Peduru izo bo niakpyazaka ibo zintyotko, iwaze ipe niy:

— O ikia tihi sa Sesus Nasare ezecheta tukta tsiky — niy.

<sup>68</sup>— O batu. Batu kanyhy — nikara. Iharere batu kawabyhy zispohikbata. Iwaze hokbowy baze zumuzoze kokuarto nipo.

<sup>69</sup>Atatsa ibo nikozoze ustsa kytsa pe niy:

— O ata tihi kok Sesus tuk zinymyrykyta — niy. Iwa niyzoze:

<sup>70</sup>— O batu — mybarapetu nikara. Bykyze ustsa:

— O atatsa nitsasoze wasape hi niaha. Ikia tihiba Sesus tukta ikia kino niwatihi Karireja ezecheta — niaha.

**71** Peduru tsipybyrēta nikara:

— Batu kanyhy. Aty skaraba Jesus batu itukta Deus kaharere piwabyky iwatahi kaharere wasani byizeka Deus piksininiwyky Jesus batu kanyhy  
— Peduru nikara.

**72** Iwa nitsasokoze kokuarो nipozo. Peduru mytsaty niy. Tapara Jesus kape niy:

— O kokuarо ipozone: Harakykbyri kasoho “Batu Jesus kanyhy” tsimykara — niy.

Peduru ana bo hi mytsaty niyze nipuziuku.

### Kytsa Jesus Piratus bo ziocktyhyryk.

**15** <sup>1</sup>Kyze zokorobyitu Sudeutsa Deus wahoro eze ziknapamykysonahaktsa, taparaktsa kapitāotsa Moises harere nisihyrinymyrykynahatsitsa iwatsa sizubarētsa inakypyknahaze hawa Jesus tabeze nipamykysokonaha iwaze Jesus Piratus bo ziocktykyryknaha. Taparaka zipawarakanaha. Iwaze Piratus bo zipehahik. Piratus abazubata iharere awatu zeka Sudeutsa ba zikbezenaha. <sup>2</sup>Piratus ipe niy:

— O Jesus ikia ja Sudeutsa pehatsa — niy.

— Ikia tihi tsiktsaso — Jesus niy.

<sup>3</sup>Taparaktsa Deus wahoro zubata eze ziknapamykysokonahatsitsa:

— O Piratus Jesus batu imysapy — nikaranaha. Isoho humo zispikhikbatakanaha. <sup>4</sup>Piratus ipezo niy:

— Amo Jesus. Asoho humo zasapybyrikinaha. Tsiwaby sa. Iwa wasani sa — niy.

<sup>5</sup>Batu harere tasoho humo batu harere. Iwatahi Piratus ata zuba tatu mytsaty nikara — O amo skaraba! Batu harere ziky, batu taokani! — niy.

### Sesus tabezewy.

<sup>6</sup>Tapara tahamyikaha eze Piratus maku estuba inazukenaha. Maku sizubarētsa sakyriukrēnikitsa hurukwy eze tu. Situkta estuba nizuke.

— O aty sa myzuke — nikara. Atakta! Serusarēhe ezektsa nikaranaha, yh̄y nikara. Iwa simyikaha eze ziknakara.

<sup>7</sup>Serusarēhe eze kytsa niwatsoronaha iwaze sakyriukrētsa nitsahurukiknaha. Estuba sakyriukrēnikitsa hurukwy eze Bahabas inarokota niy. Kytsa bakatsa niy. Ana humo hi nitsahurukiknaha.

<sup>8</sup>Iwaze kytsa sizubarētsa Piratus bo zumunaha. — O aty sa tsimyzuke — nikaranaha. <sup>9</sup>Piratus:

— O ikiahatsa istsa. Hawa sa tsimyzihikiknaha. Sudeutsa pehatsa za myzuke Sesusta tsimysapyrēta! — niy.

<sup>10</sup>Taparaktsa Sudeutsa tahakyrikinaha sizokdirētsa nikaranaha iwatsahi Jesus ibo ziocktyhyryknaha ana humo hi Piratus tsihyrinymyryta.

**11** — O batu. Mektatukta! Bahabas zakta! — niaha. Iwa taparaktsa botu kytса sizubarëtsа pe niy:

— Ikiahatsa tsimaha zeka Bahabas. Bahabas tsimaha — niaha.

**12** Piratus ispe niy:

— Sesus ja. Hawa sa Sesus ty my. Atakta Sudeutsa pehatsa — niy.

**13** Myzubaha tihi:

— Tabezehikta! Iharapatawyhyta humo tabezehikta! — nikaranaha.

**14** Piratus:

— Amo humo sa. Amy ty sa imysapybara ty nikara — niy.

— Tabezehikta! Tabezehikta! — opykani kazi nikaranaha.

**15** Iwaze Piratus: Yhŷ niy. Nawa myzubaha humo zuba harereziu tsihik mykara iwatahi Bahabas nizukehik. Sesus ta batu. Sodadutsa pe:

— O tytsakinahaktsa! Iharapatawyhyta humo tsibezehiknahaktsa! — niy. De.

### Sodadutsa Sesus zimyijakanaha. Inisaha ty zitsorikiknaha.

**16** Kyze sodadutsa Sesus tahawahoro isturupeze bo zioktyhyryknaha. Sodadutsa zumubanahaze Sesus zispihikbakanaha.

**17** Isuk tsaririta ty zisuknaha.

— O abaka Sudeutsa pehatsa abazubata! tsimy — zimyijakanaha.

Inisaha ty zitsorikiknaha. Tubabatu nawa sisopyk. Sipehatsa mekywa tu sitsorik. Sesus ty ka inisaha ty zitsorikiknaha iwaze zimyijakanaha.

**18** — O ikia Sudeutsa pehaktsa — zispihikbakanaha.

**19** Hwi ty ziharektotokoknaha, zihwezozokoknaha. Tahaekaratса humo iokeryk puruk puruk nikaranaha, sipehatsa okeryk watsa iwa zisininiwyky. **20** Zispihikbatabanahaze isuk tsaririta zibokiknaha. Isuk babata ty tysukzonaha. Iwaze ape bo zioktykyryknaha. Iharapatawyhyta humo tabeze nikaranaha.

### Iharapatawyhyta humo zihyrizikiknaha.

**21** Ske buruk niukurunahaze, Simaō nasihobyk. Atakta Sireni ezekta tatsuhuk ikny ziksikirita. Ihyrytsa Aresādere Hupus ahatsa inarokotsa. Iwaze sodadutsa ipe niaha:

— O iharapatawyhyta tsebykta! — niaha. **22** Niytahi zebykyk!

Iharekpokoso sapy inarokoha bo Sesus zioktyhyryknaha, iharekpokoso Sudeutsa harere kokota maha. **23** Anabo izumunahaze aty tohi mymyitsapyri hwi ty Sesus bo nyny niy:

— Tsôty — niy.

Batu niy. Batu tsõ.

**24** Isuk zibokiknahaze ziaksenaha. Sodadutsa harahare zipyryktsa ty nisipaparakanaha aty ja Sesus suk piakse nikaranaha tsahi ziwatowykynaha. Iharapatawyhyta humo zihyrizikiknaha, itsyhyry

soikare eze zaza nikaranaha zihyrizikiknaha, ipyrytsa ty kino niwatihi zaza nikaranaha zihyrizikiknaha. Iwaze nepykbanahaze iharapatawyhyta zirktonaha.

<sup>25</sup>Haramwe nazotoktoze iharapatawyhyta humo zihyrizikiknaha. Zikymynahaze, iharapatawyhyta zitseknahaze zirktonahaze. <sup>26</sup>Iharapu bete iwatahaha ty. SUDEUTSA PEHATSA ziwatahakanaha iwa isoho humo hazi nikaranaha.

<sup>27-28</sup>Kytsa petoktsa sitsyhyryboanikitsa ituk nisibanaha siharapatawyhytsa humo nisibanaha estuba ipanuryk taba usta ipawazo taba ahatsa niahā.

<sup>29</sup>Kytsa nabaze ske buruk niukurunahatsa, zisapybyrikinaha hazi nikaranaha:

— O iktsatahaktsa. Taparaka zuba:

“Deus wahoro zubata myokarabaka bykyze petok puruze usta pizi tsikykara” abaka tsimyraka — nikaranaha. <sup>30</sup>— Ikia tsahyrinymyrēta babata zeka, pany, tynasikta! Ba zikumuzakta — zimyijakanaha.

<sup>31-32</sup>Deus wahoro zubata eze ziknapamykysokonahatsa Moises harere nisihyrinymyrykynahatsitsa kino niwatihi nitsasokonaha:

— O ustsa kytsa nisitsumuēhīkī, atahi ba ziktsumuēhī! Iwatatu sa pomoza Deus zipeha zeka “tynasikty”, Sudeutsa pehatsa babata zeka, iharapatawyhyta ekze “tynasikta!” Iwa tsimy zeka:

“O Sesus hi Deus zipehata babata” tsimaha — mybarapetu nikaranaha.

Asaktsa ituk nihyrikosokdanahatsa asa kino niwatihi zisapybyrikinaha.

### Sesus nihyrikosokda.

<sup>33</sup>Iwaze tokbaha eze miwa niyzik. Batu haramweke. Sudeja eze miwa niyzik. <sup>34</sup>Iharakibikia bo zoize inaharamwezo. Iwaze Sesus:

— *Eri Eri rama sabaktani* — ana taharere baba ty huahua niy. Anatyihi myharere. — O Deus amo skaraba uta zuba tsipikarikik — niy.

<sup>35</sup>Ustsa kytsa niahā:

— Amo sa Erias bo hua mykara — niahā.

<sup>36</sup>Tohi duabohotsa tsik ipokzitsibara ty itsäräkbara ty morosuk eze ky ty tsikok niy. Anabo mazori waha ty duabohotsa tsik bo sokyk niy. Zipypyikik. Mazori waha ty hwi humo korokbykyk jobo Sesus sak bo tsyk tsyk nikara. Atakta:

— Byriktsa, tozeka ja Erias mozumu, iharapatawyhyta humo piakse. Tsiperynahaktsa! — niy.

<sup>37</sup>Iwaze Sesus kakazo niyze zumuza.

<sup>38</sup>Iwaze panu ipamaba ipokpedawy Deus wahoro zubata eze ky nisykbaik. Tsapukte buruk nisyk bijoikny tu niaksykyryk.

<sup>39</sup>Sodadutsa pehaktsa tuk nikozoko iharapatawyhyta okeryk niriktohoko Sesus iwa nihyrikosokdaze atahi:

— O atahi Deus tse babata — niy.

<sup>40</sup> Wastuhu wtykyryk nizokparakanaha. Maria Madarena, ustatsu Maria, Sarome, usiza, iwa ēryk tu nizokparakanaha. Maria hyrytsa Sose Tsiaku jypykyhyzytykta iwatsa niy.

<sup>41</sup> Asiza hi Karireja ikny ihumo simypokzitsiarēza nikaranaha. Usiza wtykyryk iapik Serusarēhe bo zikzumukunaha za kino niwatihi asiza nizokparakanaha: Zitsumuēhīekiknaha.

### Sose Sesus ziptykyk.

<sup>42-43</sup> Iwaze byiri Sudeutsa nawa zurunahaze tahabyrykywy, nubaze Sose Arimeteja ezechta Piratus bo izumu. Sose taparakta Deus wahoro zubata eze tu niy. Tsimysapyrēta atahi kytса Deus harere bo hyjy mykaranaha ana hi mozihikik. Batu pyby iwaze Piratus pe niy. — O Sesus nury ty kabokta. Uta inury ty iytyk bo mytsahok — niy.

<sup>44-45</sup> Piratus:

- Botu sa pŷ niy — niy. Iwaze sodadutsa pehatsa pe niy:
- Sesus sa botu nihyrikosokda — niy. Sodadutsa pehatsa ipe niy:
- Yhŷ pŷ — niy. Iwaze Piratus:
- Ikia za tsinazipik Sose. Iwaze tsimytsahok — niy.

<sup>46</sup> Sose panu kōpara niy inury inazipikze, panu ty ziakwaraka. Tubabatu harahare yktaba nitsahoknaha, abaka anabo hi nitsahok. Harahare bobyri ihok bo zikorore. Zihokbore.

<sup>47</sup> Maria Madarena, ustatsu Maria, ahaza nizokparakanaha. Iytyk zinyrenaha.

### Sesus inahyrizikpo.

**16** <sup>1-2</sup> Kyze petok zuruze, sabado nipykze miwa botu Maria Madarena ustatsu Maria, Tsiaku je Sarome, iwhaza iytyk bo niukurunaha. Jokmorēnikia bykyhy tuk. Niukurunaha zahi inury iokmorēnikia ty taharasusu nikaranaha. Anahi Sudeutsa sopykwy ty ziknakaranaha.

<sup>3</sup> — O aty sa harahare mytsyhyryze pipetu nikaranaha. Titsakyrikrēta hŷ. Aty skaraba mytsyhyryze sukyhy my — nikaranaha.

<sup>4</sup> Iwaze nitururuknaha anabo zumunahaze iksa niaha, mektatu botu harahare bobyri zipetuhikare. <sup>5</sup> Iwaze iytyk bo nipupunaha. Aneaze maku bo nikozonaha, atahi nidhyhyky. Tisukbarazarēta. Iwaze ipokso nipybybaiknaha. <sup>6</sup> Maku hi:

— Kapokso ahapyby byihujaktsa. Sesus Nasare ezechta atahi kytса iharapatawayhyta humo zihyryziknaha tsipiberikinaha ana hi pinymry. Atahi inahyrizikpo. Nabo isapy bo iksataha. Isapy zuba niapykyk. <sup>7</sup> Aidytahaktsa Peduru ustsа zinymyrykynahatsa bo tynakozorēnahaktsa! ispe tsimaha:

“O Sesus inahyrizikpo. Aba tsipinynaha Karireja bo ahaharaze mykara hawa botu ahape niy” tsimaha — bijoikpe iknykta niy.

<sup>8</sup> Iwaze wytykyryk puke puke niah. Nitururukuknaha. Sipybyrēza zijsikirinaha. Nitydydykyknahaza tu paikpa mytsaty nikaranaha. Sipybyrēza nikaranaha iwazahi kytса bo batu tyso.

### Sesus Maria Madarena bo natakaha.

<sup>9</sup> Sesus domiko eze inahyrizikpo tapara Maria atatsa Makadā ezektatsa bo inatakaha. Tapara Sesus hyrikoso sapybara sete nisiksiwyhikze. Atatsa ihumo nizororobabatatsa. <sup>10</sup> Iwaze atatsa itukytsa bo niy. Ipokzi nipuziukunaha. Atatsa hi:

— O myhyrinmyrytsa inahyrizikpo. Ispituzo my. Ikza inyzo — niy.

<sup>11</sup> Itukytsa iharere humo paze! nikaranaha. Inahyrizikpo naha humo ma ahabyitsa nikaranaha. Atatsa mybarapetu ja mykara iwa mytsaty nikaranaha.

### Sesus tuk zinymyrykynahatsa petoktsa ahatsa bo natakaha.

<sup>12</sup> Kyze Sesus meky watu itahyriti niyzik petoktsa ahatsa bo natakaha. Niukurunahaze amysī eze natakaha. Situk nipamykysoko. <sup>13</sup> Iwatsahi zijszonaha. Itukytsa bo nipamykysokonaha. Siharere humo kino niwatihi itukytsa ma ahabyitsa nikaranaha. Asaktsa mybarapetu ja mykaranaha iwa mytsaty nikaranaha.

### Sesus tuk zinymyrykynahatsa bo natakaha.

<sup>14</sup> Iwaze zinymyrykynahatsa ōse ahatsa bo natakaha. Tahadisahakanahaze sibo natakaha. Ma zikahabyitsa nisibetsakak. Tahaoktsīnahatsa humo nisibetsakak. Ustsa harere humo inahyrizikpo naha soho batu ma ahabyitsa iwatahi nisibetsakak. <sup>15</sup> Iwaze ispe niy:

— Nanabyitaba tynakaranahaktsa! Sihudikhudikwy taba wasania ty abazubatsa bo tytsasonahaktsa! — niy. <sup>16</sup> — Aty kaharere bo hyý my zeka kahumo tispirkporēta mozik atahi imysapybara ty myzeka Deus piokzohik. Ata kino piharasuhikze iwatawyhyta katukta my, atahi Deus myzo bo piokthyryk. Aty kahumo ispirikpobyi zeka imysapybara ty my zeka ba ziokzo, imysapybara ty nikara ituk tawahi mynapykyryk. <sup>17</sup> Asaktsa kahumo sispirikporētsa Deus zikwy piwatawnaha. Kahumo hyrikosotsa sapybaratsa tysiksiwyhiknaha. Mektsa harere ty mopamykysokonaha. <sup>18</sup> Pyryhyk ty paik maha zeka ba zikyrikosokdanaha. Tumy tsarawayhyha ty pikunaha zeka ba zikyrikosokdanaha. Simyitsapyrtsa tahatsyhyrype ty tsika maha zeka, mysizororowy sakurētsa moziknaha — Sesus niy.

### Sesus bijoikpe bo nido.

<sup>19</sup> Taharere nitsasobaze jobo bijoikpe bo Deus ziekthyhyryk. Tazo tuk ipanuryk taba mynadyhyky niy.

<sup>20</sup>Iwaze itukytsa nitururuknaha. Nanabyitaba Deus wasania ty natsasokonaha. Hawa ha ty kytса batu zikaha ana ty hi Deus zikwy humo nikaranaha. Iwatsahi kytса siharere bo hyѣ niahaze Jesus humo sispirikpor tsa niyziknaha. Sipehakatsa hi nisispirikpoko. Deus zikwy humo ziwatawykynaha, Jesus nisitsumu hik  iwatsahi myzubaha siharere bo hyې nikaranahaze Jesus humo sispirikpor tsa niyziknaha. Niwazuba.